



路史後紀卷十一

宋廬陵羅

泌撰

男萃註

明廣陵喬可傳校

有虞氏

帝舜

按舜本作舜古作舜從奕從舛汗簡集韻舜陸叟訛

有虞氏姚姓

見世本因

生賜在堯世風俗通按書舜生姚虛云在濟陰成陽非

其先國于虞始為虞氏

天子建德因生以賜姓祚之土而命之氏祚土謂封之虞命為虞氏因生謂生姚虛因賜姓姚此氏姓之

別故世本皆上言姓下言氏虞氏亦見左傳正義書云有鰥在下曰虞舜虞舜側微則帝微時止姓虞而

各舜可知王符志氏姓云舜姓虞而史伯亦稱虞幕則其上世為虞矣杜預云虞乃舜之先世數未聞

各史

後已卷十一

4793

瞽子

兩目不見史云盲者子是也二

五帝之中獨不

出於黃帝自敬康而下其祖也

有辨見

敬康生於窮

係

史記曰窮蟬宋

係出虞幕後之幕姓宗焉

風俗通

幕姓皆

是生喬牛喬牛生瞽叟瞽叟天曹

史云窮蟬

匹庶謂庶士非庶民也曰嬪于虞虞乃小國即瞽所

封是侯伯矣然王逸以舜為布衣而耕漁陶販皆庶

人之事者蓋以父母頑嚚幕能平聽協風以成樂而

生物有虞氏報焉

報祭之左氏言舜祭幕而風俗志亦謂舜祖幕與呂

梁碑合皆無句望而以幕為祖賈逵韋昭乃以幕為

虞思蓋因世本等序舜為高陽五世孫而所謂幕者

無地以置之遂以為之後世爾按內傳國語俱云自

幕至于瞽叟無違命然後言舜舜長九尺孔叢子云

重之以明德豈得云舜後哉

太上員首

春秋繁露云舜形

有奇面額無毛亦聖也

世紀云六尺一寸非

於天文純

龍顏世日衡古謂眉衡故執天子之器上

于孝慈靈準聽云有人方面日衡重華握石椎懷神珠注謂

衡有骨表如日懷珠諭有明信椎讀如錘言能平輕

重方庭甚口孝經援神契云舜

面頤亡髦懷珠握褒

尚書帝命驗云虞舜聖在側陋光曜顯都握石椎懷

神珠注謂懷珠以諭聖性援神契注握褒者手兆如

褒字喻從勞苦受褒飾致大祥形卷婁色鬢露莊子

也洛書注握謂知旋璣之道也

婁者舜也注謂背項偃凹向前也文子云堯瘦癯舜

黥墨尸子堯瘦舜墨言憂世念民至於此而鄧析子

言堯舜至聖身如脯腊堯若腊舜若腊故王充言上

帝引挽此謂舜也承安繼逸無為而治何為若腊哉

目童重曜故曰舜而原曰重華

世紀云因瞳子名重

苟子堯舜參時子是堯亦重瞳然但一目重書大傳

言舜四童子則兩目重矣故春秋演孔圖云舜目四

童謂之重明承乾踵堯海內富昌元命苞云舜重童子是謂原上應攝提下應三元尸子淮南子云舜兩童子是謂重明作事成法出言成章夫舜當也蔓地蓮華之名有賤曜意故目好動而曰舜或作瞬書注云舜名也儀禮正義以為為

敦好學而止至善寅畏天命而尤長於天文大戴禮云寬裕

溫良敏敦知時而好學又云畏天愛初家于冀夙喪

其母世紀云母握登詩含神霧云握登見大虹意感而生舜於姚墟按書帝命驗云姚氏縱華感樞

注縱生也舜母握登感樞星生舜重華樞如虹也河圖注命云握登見大虹意生黃帝謂舜蒙茨

緼棘哀綿五至猶未歉者喪期之有數蓋有是顯年

問曰三年之喪天下之達喪也百王之所同古今之所一未有知其所繇來者故傳以為三年之喪雖貴遂服禮也而許氏注淮南子乃以為三月之服夏后之禮妄矣松丹斬衰投和截髮生草百濟流思器

三年通典以喪期無數為黃帝時或警纂御而生象

象隨母嫁者妄象得親乃咸惡舜御以不道舜于是往于田

泣旻天號父母負罪隱慝大杖避小杖受子云舜於

使之未嘗不在側索而殺之未嘗可得人窮則反事本疾痛則呼天韓非以往田號泣為未盡命誣矣

親拊弟日以篤王充實知云虞舜大聖隱藏骨肉之過而尸子云事親養兄為天下法是

則更有象憂亦憂象喜亦喜惟恐不獲於象以貽父母

母戚道而不徑舟而不游凡所以動心忍性皆以增

其所不能夫然故死生不入於心而能動人琴操舜耕歷山

思慕父母見鳩與母俱飛相哺益以感恩因而作歌夫虞帝之迹琴中尤多學者不省虞帝蓋不幸而以孝名後世而說者帥過實自萬章倡與木石俱而光并廩之說而語益紛紛有論見發

耀顯都麗然汗著年二十而以孝友聞四海故天下

大說而將歸焉方是時口不設言手不指麾執玄德

而化馳若神莊子曰以此處上帝王天子之德也以此處下玄聖素王之道也堯以帝王天子之德處上故曰玄德老子曰玄德深矣蓋堯以成德為行乾之九五是也舜則隱而未見乾之初九是也歷陽之耕侵畔乃往耕焉田父

推畔爭以督亢授舜耕歷山在河東乃首陽山九域志云歷山有三濟南濮陽河中今秦地池陽澧陽潘城始寧濩澤之漁爭坻乃往漁焉

等處皆有之有說見餘論

斂人巽長爭以深潭與淮南子云鈞於河濱濩澤在云澤在縣西北沁水東迳濩縣故城南漢之澤氏縣魏土地記陽河有沁與濩澤水合者紀在梁惠王十九年晉取玄武濩澤墨子亦言舜漁在此故金鑰謂澤州為舜澤十道記云澤州以濩澤德名皆在河東

或云漁于雷澤雷澤濟陰非也東夷之陶苦窳當讀如臯陶之陶故綿詩注云鑿地穴居

如陶然陶于河濱期年而器以利見朝子淮南子河濱在蒲陶城北有故陶城城南去歷山甚近故孟津有陶河之稱一云河濱在濟之鄆城蓋以東夷之說也夫帝冀人而虞濱歷山陶城皆在冀蓋初耕于野未必遠去父母也然壽丘在濟負夏在衛則商販觀風或往來于此不必限一

所於牧羊潢陽而獲玉歷於河巖所至嚮合公孫尼子云舜牧羊於潢陽堯舉之以為天子公孫弘云牧羊於黃河于寶云舜耕歷山獲玉曆於河際之巖知天命之在巳體道不倦

當其田也早則為耕者鑿墮儉則為畋者表虎

與四海俱利是故光如日月而天下歸之見尸子云舜之德無不該南面而治天下燭息風食火飲於澧舜之行其猶江海乎千仞之溪滿之螻螳之穴亦滿之禹湯之功不足尚矣又云舜之陶也不能利其巷父母之不南面而治天下則蠻夷蒙福淮南子用之

父母之不

各史

後已

卷二

四

我愛弟妹之不我親故雖躬稼陶斂惡悴勞苦燭息
火食口腹不獲於美厚而諧和正收烝烝又亡入而

不自適

世傳瞽叟與象每欲殺舜其妹嫫首每為之
解許說文云或作畫嫫一音畫也類林云叟

填井後兩目方瞽又云舜耕歷山歲不熟舜糶其父
詣糶每還錢與米問之子也因相抱泣拭其父目尋

自明堯聞而妻之真源亦云糶於平陽市父認之乃
舐其目日以光明又御覽八百十二卷引史記舜為

父淘井取金銀安罐中與父母齊東之語也嫫或
作擊一作擊列女傳舜女弟擊與二嫂諧是矣○灰

於常羊什器於壽丘就時負夏未嘗暫息頓丘買貴

於是販於頓丘傳虛賣賤於是債於傳虛以均救之

故孔子曰耕漁陶販非舜事也而往為之以救敗也

舜其仁也乎編蒲結罍躬耕處苦而民從之一徙成

邑再徙成都三徙成國至鄧之虛而百千萬家

世紀云遷

千負黍每徙百姓從之按衛有負黍鄧今襄
之南鳳林古之鄧林祈侯之國楚之北境

小大說

之秀士以從雄陶方回續牙伯陽東不訛秦不守靈

甫不辟而至周旋歷漢之間為之七友迨既禪七人

者始逃之

王獨云堯有九佐舜有七友淵明亦云七
友魯連子云舜耕歷山而交益陶河濱而交禹

然舜受禪時禹纔十歲或者疑之雄陶續牙人表作
雜陶續身一作續耳隸轉失之呂本法云堯舜得伯

陽續耳而後成又曰舜染於許繇
友魯伯陽註為老子舜師之非也初堯在位七十載

矣見丹朱之不肖不足以嗣天下乃求賢以異于位

至夢長人見而論治

見書緯溫子昇舜廟
碑所謂感夢長人者

舜之潛德

堯實知之於是疇咨于眾詢四岳明明揚仄陋得諸

服澤之陽

見墨子側陋言其在僻側微言不顯世紀云堯求賢四岳薦舜堯命之于順澤之陽

或云卽

問以天下曰我欲致天下為之柰何對曰執

一亡失行微亡怠中信亡倦而天下自來

荀子云執一如天地

行微如日月誠盛於內貴於外形於四

問以奚事對

曰事天問之奚任對曰任地又問奚務對曰務人曰

人之情柰何對曰妻子具而孝衰於親耆欲得而信

衰於友入之情乎人情大不美又奚問若夫從道則

吉反道則凶猶影響也南面而與之言席龍埳而陰

翳桑蔭不移而堯志得始尚見帝帝館之于貳室

宮世紀堯見舜處之貳宮又云貳女妻舜為築宮室封之虞

亦享帝迭為賓主語

禮樂詳而不孛語政治簡而易行論道廣大而亡窮

論天下事實昵條達咸叶于帝而咸可底績於是錫

之絺衣雅琴命之姚姓

尚書帝命駿云姚氏縱華感樞縱天縱華重華也論語撰

考比云重童黃姚黃其德也世紀云陽之絺衣與琴為築宮室封之虞土然云舜上虞人本姚姓者妄

妃以育姬以瑩

育卽娥皇字娥姬皇育聲相滋也瑩卽女英見世本故孝桓梁后名曰文

瑩一日偃見大戴禮承受大命依于倪皇帝系作女偃氏尸子云妻以娥媵以皇娥皇眾女之英妄

觀其內

舊說堯舜同出則皇英為舜之高祖姑故或者以為堯取天下民之女以妻之非堯之女

及晉劉淑欲婚同姓遂謂堯舜之婚正姓分絕於上斯妄矣夫惟西戎氏族無定或以母姓為種猶十二

世乃相婚祖父沒則妻後母兄亡則納妾嫂此禽道也尹子乃云舜娶祖姑天下不論之無禮不學如此

有說見

九子事之以觀其外

見孟子伏氏世紀淮南子云屬之九子韓愈以

為卿大夫族 百官牛羊倉廩備以事之于明畝之中

堯百官已備傳奕及云官貴簡約夏 舜乃飭正二女

勝其胷中之情以應天地之理澹焉此未使為司徒時也曰往欽哉

然後使宅百揆為司徒馮休以為豈有始得之遽使

百官事之畎畝之中而不當天子之朝且復使誰事

堯之朝是宅揆賓門 二女嬪媯純篤盡道列女傳云皆在畎畝之中繆也

帝堯之女瞽叟 九子尊虞服勤靡懈有人則作無人則輟可以修塗

和寧卒享福祐 人之耳目而不可以欺同室刑寡妻刑二女非動容

周旋中禮疇克哉故使能嬪者舜之德刑也岳薦舜

不言其它而言其丞丞又堯試舜不觀諸它而觀其刑二

女父子兄弟夫婦此人之至難者况以甲正尊獨正眾親

正跌平安國云堯以舜 妻有桑田身有南畝尹文瞽治家觀治國斯得之矣

順象從而不至于姦於是帝將胥天下而遷之乃歷

諸難使宅百揆靡不時敘書中侯等皆云舜為太尉故世紀云命為司徒太尉

正月以太尉從事東督乃據中候追難康成劉昭屬

云太尉實司天當是據位書前職爾有說見餘論

之徽典亡或不從賓于四門諸侯穆穆五典世之父

內之百官族姓四門外之諸侯賓客人從之百官從

之賓客從之即傳所謂無違教無廢事無兇人無天

怒者孟子曰使之主事而事 烈風雷雨納于大麓而

治百姓安之是民受之也 邦能迷也大麓之納薦之天也漢儒以大麓為大錄萬機之政於是大傅趙喜太尉牟融並錄尚書事猶古冢宰位三公上堯則罷之遂以為常故沈約云堯納舜於尊顯之官使大錄萬機之政不知非也夫既有百揆矣豈復錄尚書哉有說見發揮○昔王介甫問呂晦叔舜納于大麓何義曰薦之於天故介甫云古者行爵出祿必告太廟軍出必載遷廟之主誅賞稟而後行示不敢專况以天下與人可不薦於天平然以薦必因太山之麓為禪以告謂太山為易姓告代之所則非也方其納麓猶未受禪豈封

禪之時耶蓋使之主祭而百神享之風雨弗迷是天受之也胡益之以納麓為虞衡尤妄帝即致

以昭華之玉曾而尚之三載程功亡垂疇策民安其

為帝覆其聖謂以天下授舜則天下幸而朱福授朱

則天下病而朱利曰予終不以天下之病利一人乃

放朱于丹而卒禮舜舜讓于德弗嗣弗可遂致天下

于大麓之野屬諸侯焉典辭不費舜遜于有德者弗肯嗣位堯弗許曲折亦必如

禹遜臯陶之委曲記弗及爾崇黜非之曰不祥哉誰以天下予人

哉帝乃殛之羽出共工又訕乃流之幽州必以禮舜

而天下莫有非者史云堯治天下殺一人刑二人而天下治荀子云堯伐共工而周語

亦謂堯殛鯀故曹植贊堯克流共工萬國同塵然程子以謂共驩無大姦知惡之不可行乃隱其惡以助

治一且舜以側陋顧居其上且將臣使之故不能堪

而作惡淮南子亦謂此人無擇非舜自投清冷之淵

是則舜德不足以厭眾乎故前說為近故仲尼曰堯知舜賢非難也不

以所間敗所察其難也正月上日受終于天府天府文祖

所在上日如上丁上辛者夫受終則堯不復有度政矣然猶攝也孟子曰舜相堯又曰堯老而舜攝而世

猶曰舜南面堯率諸侯此面朝之齊東之語乃命羲和欽若昊天歷象日

月星辰敬授人時大戴禮孔子云在璿璣玉衡堯歷象立其數舜機衡立

其器璿生於淵月鬼終焉陰精之純也玉生於山虹氣藏焉陽精之純也璣運於上以璿為之衡望乎下

以玉為之取則平陰陽之運也說苑璿璣謂北辰勾陳極星以其魁杓所指之十八宿為吉凶禍福列舍

盈縮之占云孔子之晉志北斗魁以齊七政日月

四星為璿璣杓三星為玉衡本此以齊七政五緯

也堯正經星舜齊緯星所以相濟器出於人故占之以齊七政於上數出於天故推之以授人時於下或

以為斗七
星者非
肆類于上帝
以下攝位吉祭也上帝者昊天

祀三帝四郊四類如之四類四方帝也太祝六祈一
曰類而四師類造上帝則為位宗伯有故則類社禩

皆宗廟之大祭也與類禡異禮書以類造為劣於正
祭與旅失之云兆五帝四郊則上帝其南郊矣司服

王祀昊天上帝則服大裘而冕祀五帝如之是昊天
外更有五帝上帝可以兼之孔子以為告天及五帝

是也鄭以昊天上帝為天皇
裡于六宗
六宗者三昭

大帝四類為日月星辰俱妄
裡于六宗
穆也與文

祖而七裡者所謂肇裡是也非上帝上帝以及天神
山川以及地示六宗以及人鬼於義為得百家之說

不同凡有十四然祭有其舉之
莫敢廢也有六宗說見餘論
望于山川
山林川澤

材用者必載祀典以遠故望
徧于羣神
有天下者祭

而祭之三正記云郊後必望
徧于羣神
百神皆有功

于民者天神既類人鬼已裡而地示又望矣猶若未
也至於薰蒿悽愴百物之精莫不至則聖人之至也

夫既受終而主祭行巡守則為
輯五瑞既月乃日遂

天子事矣時以堯在未即真爾
輯五瑞既月乃日遂

觀四岳暨羣后班還其瑞
收諸侯圭瑞於王府也

皆至則附其所執以納于天府及新君已定受岳牧
之朝乃以所集之圭璧付之使各還其所泣之侯伯

更代之禮如此且以俾諸侯知有所統安守而不自
專又以齊其真僞信不信者大傳云瑞也者屬也無

過行者得復其瑞以歸有過則留其圭能改者復之
三年圭不復少黜以爵六年圭不復少黜以地九年

不復而地畢類達謂瑞本受之堯今斂而
還之如舜親付之使之為臣示正始也
以四仲巡

四守
歲二月者乃次一年二月也世不之究虞夏傳

年非也鄭云建卯之月是矣
至于方岳燔望告至秩

注以為除堯喪即真之年非
至于方岳燔望告至秩

山川
至方岳必以仲者四岳四方之正四仲四時之

交神明者然也其祀上帝神祇可知矣伏羲堯舜禮
制大備所以為萬世法今疏出之不著中岳者在王
畿內年
觀四方羣后問百年而見之
鄭云百年老成人見尊之至

時有祭
觀四方羣后問百年而見之
人見尊之至

定八伯之樂

九州八伯畿內不置八伯樂名並見書大傳鄭氏書言堯未羲和之子皆死庶

續皆闕故驩堯共工更相薦引四岳者四時之官主四岳之事始羲和為之謂之四伯至死分岳更置八

伯以驩絲共工放齊為四餘四人無文賈氏從之妄也元祀代泰山貢陽伯儀

伯之樂

陽伯春伯秩宗伯夷為之儀伯羲仲之後陽伯之樂舞侏離歌聲比余諡哲陽儀伯之樂

舞龔哉歌聲比大南陽中祀大交霍山貢夏伯羲伯

之樂

夏伯夏官司馬棄為之義伯羲叔之後夏伯之樂舞謾哉歌聲比中諡初慮義伯之樂舞將陽

歌聲比大諡秋祀柳穀華山貢秋伯和伯之樂

秋伯秋官司

朱子于大也士也臯陶為之和伯秋叔之後秋伯之樂舞蔡傲歌

聲比小諡苓落和伯之樂舞元鶴歌聲比中諡歸來

蔡哀也

幽都弘山祀

弘山貢冬伯和伯之樂冬伯冬

傲始也垂為之冬伯之樂舞濟

并論八音四會貢正聲以聽

天下之治而民亡有不惠而從命太師陳詩以觀民

風命市納賈以稽民之好惡命典禮協時月正日同

律度量衡禮樂制度衣服正之

班固云惟聖人能同天下之志故帝舜欲

同之今修明舊典同律審度嘉量平衡均權正準直繩立于五則備數和聲以利兆民正海內於一同則

海內歸之脩五禮五玉三帛二生一死質之器卒則復

圭璧

在臣下謂之瑞在人君以為器及修之則曰玉也三帛二生一死諸侯之壤奠所謂奉圭兼幣謂玄纁黃

者繆世子孤臣豈當朝平山川神祇有不舉者為不

一死牯脩之屬非必雉

敬不敬者君削以地宗廟有不順者為不孝不孝者

君紕以爵變禮易樂者為不從不從者君流革制度

衣服者為叛叛者君討歸次外三日遂假于禰祖用

特將告至記禮也蓋出告禩則歸必格于禩王制天子
 可知故魯子問凡告必用牲幣反亦如之叔恬曰舜
 一歲而巡五岳國不賈而民不勞何也文中子曰儀
 衛少而徵求寡也此五年一行之禮而告廟止一特
 它可知矣茲萬世之禮經也或疑一歲不能周五岳
 萬五千里以為四年而鄭氏謂每一岳歸而更去是
 五載巡一岳皆妄元朔六年之事以八月而周萬一
 千里尊祀天地

卒歛幣玉臧諸兩階之間然後命徧

告入聽朝

大傳云古者巡狩以遷廟之主行出以幣
 帛皮圭告于祖遂奉以載於齋車每舍奠

焉然後就舍反必告奠卒歛幣

五載一巡守羣后四

朝

唐虞五服畿內甸服之君朝夕見不待脩朝覲之
 禮至侯服則當朝一年緩服二年要服三年荒服

四年四年則天下諸侯畢一朝一朝則天子巡狩蓋
 五年則一同至京師所謂大朝會此唐虞之典周官
 六年五服一朝又六年王乃時巡故周十二年一脩
 法六年者侯甸男采衛要六年一徧也五年者天道

大備或云舜土德土數五故五載周家木德木星
 十二年一周故用十二不知五帝二代皆五載也賦

奏以言明試以功言奏功試則輿服以庸之

奏者下
 奏上納

者上納下試者在我庶者在人故舜典與益稷異奏
 言以觀其志試功以察其事此黜陟之事也不言罰
 見黜非

設三公四輔師保凝丞官不必備惟人也

四輔

三公何敞所謂聖主爭臣七人者建官惟百三公九
 卿備矣王吉書以舜湯為不用三公九卿之世妄也
 記曰虞夏商周有師保有疑丞所謂四鄰也大傳以
 為前凝後丞左輔右拂其爵視卿祿視次國之君此
 皆三公論道者故周六官無之非專戢也莊子說
 苑有舜問乎丞之語師保即輔拂故後周因之

十有二州封十有二山

肇造始也古未有十二州舜
 蓋以四岳統十二州在禹治

水之前受禪之初封其山後禹治水見地之大勢止
 可以成九州故復為九說者謂因冀之比遠故分衛
 水以為并析燕以北以為幽以青越海乃判遼東以
 為營夫一州縱廣豈容析而為三宜合天下而均之

而幽并之治適在冀境營之治適在青
境爾鄭云為兆域以祭十二州之分星

謀牧立岳以

廣聰而燭隱東岳寓于交牧青徐屬焉南岳寓于荆

北岳寓于幽牧并冀屬焉西岳寓于雍牧梁涼屬焉

還諸侯之瑞則羣后隸十二牧十二牧隸四岳明矣

然則四岳總于百揆而非一人又可知也何武翟方

進奏言古者選諸侯賢者以為州伯咨十二牧所以

廣聰明燭幽隱也乞置州牧以應古制此固

服之內六服之外揆牧不及則附縻而已

於是沈

菑未復民亡安止爰命伯禹繼平水土主名山川俾

益掌火烈山澤而焚之禽獸逃匿然後人得平土而

居乃商九州以正五服以定任賦表提類攷壇域作

十有三載而後同

漢志云虞舜登庸厥功彌劬表提

北創幽部之名燕齊起幽營之

號所謂肇十二州封十二山也

既釐下土方別居方

別生分類錫土姓而下亡違者賢壇四奧沉四海

而函夏正沉祭水名水始平姦宄眾於是象以典刑典六

五刑象以示之所謂方施象刑如所垂治

象蘇軾胡翼之謂其所犯為常法非也

刑出不復

流以宥之為被五刑為已重官有慢事築以訊之庶

之在教或不率朴以威之皆教也非罪疑犯誤金以

官者贖之以上典刑之目黃金古易得故大辟罰六凶荒

贖之災眚赦以肆之肆赦眚災也春秋肆大眚甸師喪事

之說惟怙終賊在所刑者刑故也恃詐力卒徯惡與

非康告曰乃有大罪非終乃惟眚災適爾既道極厥辜

時乃不可殺眚災肆赦之謂也人有小罪非眚乃惟

終自作不典適爾不可不殺怙終賊刑欽哉欽哉惟

之謂叔向曰昏墨賊殺臯陶之刑也

各史

後已

十一

刑之謚哉民可觀德不可觀刑方巡狩時以庸一言及賞而詳刑如是或曰德化不能以獨行

此養苗去害之說非也蓋時洪水方平下久無刑姦賊方張民無莫枕故水既平而刑首議爾韓子云昔

舜使禹決洪水先令而有功者殺之舜法也欽哉之語非史所記乃戒臯陶語文有脫漏舉八凱

使主后土以揆百事百事時敘地平天成舉八元使

布五教五教克從內平外成十六相得而天地治詳事

左傳文公十八年故晉華歆傳云帝舜以二八成功虞吉吉疏云二八舉而四門穆表宏云二八升而唐朝

盛皆指攝時流共工于幽州放驩於崇山竄三苗於三危殛鯀于羽山

四罪而天下咸服共工靜言用違故流驩兜黨蔽共工故放苗頑不即功故竄鯀方命圯族故殛鯀重之叙流者

屏之遠地放者弃之不齒竄則編管之惟殛為重或云死非也安國以四罪為皆誅蘇軾以為皆不誅而為遠國君俱失之按四罪皆在堯世舜攝之初但史官於此摠舜之德功刑併及爾不然髡殛豈在肇十

二州之後哉知二典亦有不次處且治水時三苗已不敘矣何舜晚年復分北哉孟以竄為殺莊以竄殛為俱殺且易其

先後非義例二十有八載堯崩舜生三十而舉用歷試三載二十八載堯崩時

年六十三年謬避帝子朱于南河之南天下之覲

者不之朱而之舜歐歌者不之朱而之舜獄訟者不

之朱而之舜夫然後之中國諸儒謂無三年之喪孰有三年喪畢寶籙未定

方避堯之子者或曰二十八載丹朱為君之心固未忘也今而避之變生柰何曰丹朱豈能變哉惟順事

爾不然舜視弃天下猶弊屣也豈若鄙夫之患失哉以此度舜宜萬章之徒猶惑月正元日

月正猶詩言朔月語云吉月者元日甲子也故世紀以為仲冬甲子月次于畢而即位康成以為堯建丑

舜建子安矣王肅謂夏而上皆寅正得之王安石云曰月正者避堯子時國未有正如伐紂而稱一月非

然假于文祖太史公以文祖為堯之太祖或云藝祖文祖同義非也孔氏云堯文德之祖頴

各史 後已未二

達謂其廟不知祭何人或以藝踐天子之位都于蒲

祖為堯之祖神宗為堯或然今河東縣蒲津關所謂蒲坂漢志之蒲阪縣本日蒲

或云蒲陰今河中有舜泉坊二井相通陰臨觀賜名廣孝泉蒲頓河地鹵水鹹此獨其美中

山記蒲陰昌安郭東舜氏其泉即此有舜與二妃祠西征記潼關去蒲坂城六十城中有舜廟城外有舜

宅井及二妃壇南去城二十舜所耕也宣室志開成中有盧嗣宗入蒲津娥及安邑謚云舜所都或云蒲

英廟狎神悸死之事及安邑謚云舜所都或云蒲城中有舜廟按潘在媯之懷戎西北三里亦有歷山

上有舜祠攷之帝迹未聞在此媯洲在河中不得遼隔如以土承火色尚赤世紀淮南子改正易服明庭

此玉階見章華賦墨立七廟天子七廟自有虞以至于

周不變也晉太始三奏置七廟宜權立一廟羣議以為上古清廟一宮周制七廟舜承堯禪受終文祖則

虞氏不改唐廟乞依祠中雷社用土封祭先首而尚有虞故事說見餘論

氣血腥爛祭血陰而氣陽養生者欲血少而氣多禮商不尚氣何以薦且人鬼之享不在九變之前搏

拊琴瑟不居祖考來格之後虞夏未嘗不尚聲也冕

翌紱絳緇衣纁裳韞冕服之鞞也以韋為之舜始作

云古田漁而食因衣其皮先知蔽前未知蔽後後之易以布帛獨存其前重古道也要義謂古未知蔽後

舜冕服既備故深衣緼袍以視朝兩敦黍稷玉斝

後作之非也云舜祠宗廟以玉斝

脩絜以致敬于鬼神日南至禘員丘配以黃帝以夏

正祭帝南郊配高辛以北至祀神州于北郊五天佐

五人神于明堂高陽唐堯配焉乾鑿度云三王之郊

特尊者五帝中特祭感生一帝也周公郊祀后稷以

配天是矣王者禘其祖所自出先儒謂是感生帝鄭

各史

後紀卷之二

謂員丘祀昊天上帝南郊祭感生帝以建寅員丘國南即為南郊雩祀祈穀皆謂郊也故曰南郊為大報而夏正郊亦曰春禘夏禘秋嘗冬蒸所以報本反始大報祭則報也

也乃駕五龍列子舜駕五龍馬行康衢**乘鑾路載絜旌小綏大綏**

陸佃以鑾車為金輅鈞車為戎輅明堂位虞氏之旌又曰虞氏之綏以月令鑾路青旂周官金路亦載旂也

日三朝于瞽所夔夔齊臬惟盡子道順其性而得其情故瞽底豫瞽底豫而天下之為父子者定竭力耕田

恭為子戢庶人之孝也以天下養養之至天子之孝也舜為庶人則盡庶人之孝為天子則盡天子之孝知盡其心而已而記者曰舜見瞽叟其容蹙焉咸丘蒙曰瞽叟北面而朝舜堯率諸侯亦北面而朝之是無父無君也禮不迎尸為**乃建百官**唐虞稽古建官不敢為主而况敢臣父乎

有虞氏官**主五等**公侯伯**親親任賢建弟象於有畀**五十者安

見邠陽傳今道州昌邑王賀傳**封黃帝之孫子十有**

九人為侯伯都邑服色祀享封列禮之必至者故書事本故先之其它常事不書韓詩以容四岳聽納為萬云封黃帝子一十九人非法義也**詢于四岳辟四門**

明四目達四聰廣覽擴四方之門以招來清四方之見以蓋知四方無逾於四岳也故首以是詢之言四目則知聰之為耳言四聰則知目之為明猶言汝明汝聽皆体

容十有二牧曰食哉惟時柔遠能邇惇德允元

而難任人蠻夷率服食民之命而蠻夷各隨邊土備禦故以容之十二牧柔遠能邇

必相為用遠者政教有不及而略故柔之邇者政教可以加而詳故善之舜戒諸侯柔遠能邇而蠻夷率服平王告文侯柔遠能邇而**惠康小民說者以詩**

書言能邇必先柔遠明遠未柔則邇之惠有不可得善中庸言柔遠人而後懷諸**乃容四岳有能奮庸光**

侯允元或以此為舜德俱非

各史

後史

一

一

一

堯之緒使宅百揆亮采惠疇僉曰司空伯禹

司空掌土地以

居民百揆非司空之職舜為天子特使之代已事爾時禹遜于稷契臯陶帝不從爾雅亮左右也采如僚

采言事各有其列疇如九疇言事各從其類仲舒云舜即天子位以禹因堯之輔佐繼其統業是以垂拱

無為而治帝曰禹汝平水土嗣考之勛四海會同祗我

德先時乃功惟敘

祗台德先不距朕行非豫於治蓋水未平四方諸侯會同之禮有不

講而上之德或闕今能使之祗我德先而不距所謂迪朕德時乃功惟敘謂天下之人皆繇我之德而行

者是汝功

禹曰俞小子敢悉考績以統天意

禹功著天下此

不必問而容岳者宅揆大職示不自用也曰汝往哉猶曰無如汝蓋先定

天降秬秠乃命

稷築牆茨屋辟地蒔穀萬民乃足

詩曰誕降嘉種孫氏瑞書云舜時后

稷播種天降秬秠秠秠生民有荏菽禾黍麻麥瓜瓠秬秠秠秠所謂百穀云播蒔百穀同命僕司徒

別三族親百姓敬政率經毋亟五作十道孝力為右

萬民以成

玄云五作五教也十道者謂君令臣恭之類水土平而衣食足教化興孟子曰飽食

煖衣逸居而無教則近禽獸聖人有憂之使契司徒教以人倫五品父子君臣夫婦長幼朋友如父子主

恩君臣主敬天之與我民彝者故謂之典其在人有秩序則謂之品及布之下乃曰教百姓百官族姓膏

梁難化故憂其不親

臯陶為士

士理官也故史云為夫理周官典刑謂之士師

士者事人之謂事人則事事當察爾雅以五服三次

五宅三居之法政五刑以消寇賊姦宄

帝命臯陶蠻夷猾夏寇賊

姦宄此司寇詰姦慝刑暴亂者夫二帝時民淳俗阜自無寇賊姦宄今因蠻夷猾夏而起故命士師治之

說者乃以為唐虞士官兼司馬而王安石蘇軾等遂謂以五流三居治蠻夷踈矣刑有五必服其罪流有

五必使有所宅所謂有服有宅三就三居王氏之說為近蓋教之原情定罪不為執一之說或以五服為

要荒三就為朝市原野原野之說蓋本國語止是大辟一刑要荒亦惟流蔡豈墨劓亦流之哉孔又以三居為四夷與九州外千里外亦非

密勿淑問制百姓于刑之中以教

祗德惟明克允刑法也惟明足以察故易每以雷電為用刑之象凡以動而明也臯陶方

施象刑惟明可見允信當也子曰舜選於眾舉臯陶不仁者遠矣昔揚賜稱尚書令數日出為廷尉自以世非法家固辭謂三后成功惟

帝曰臯陶惟茲臣庶

罔或于予正汝明五刑以輔五教刑期于亡刑民協

于中是乃功以刑教中陶乃祗陳九德之序以刑備

僂是故畫衣異服而姦不犯其醇荀子云象刑非生於治古並起於亂

今所謂象刑其說不一真子曰有虞氏之誅也以畫詭當黜以草纓當劓以復緝當刑以艾畢當宮布衣無領以當大辟謂之戮上世用僂而民不犯故文帝詔云有虞氏畫衣冠異章服以為戮而民不犯班固

善荀卿說古無肉刑而有象刑此不然也謂象天道而作刑爾畫詭一作幪巾復封一作非履艾畢鞮也

草纓荀作搔黜墨刑也與甫刑傳之說垂為宗工辨

材楛利器用宗工司空之職使之代禹垂有創物於之巧舉極其精故竹矢猶為後世寶

是百用作削鑿脩之迹流髹其上輪之宮寢而當時

之諫進者十有三乃崇納諫之官文子云舜塗髹以自沐戒髹黃漆也

益為公虞若于

上下草木鳥獸佑之朱虎熊羆而物蕃衍禹益垂伯夷四人新

命皆四岳所舉四人皆辭而終命之舉可謂約周官大山澤虞中士四人下士皆八人與中山澤虞下山澤

虞甚眾益之為虞豈一夷作秩宗孔注云宗廟之官宋百官春秋王莽

以宗正為降典三禮舜時五禮具備云三禮者據事秩宗繆矣天地人為之其實事天地為吉

禮餘四皆人事惟寅惟清以接幽玄以節天下哲民惟刑而

上下讓史記伯主典上下咸讓刑法也夷本典禮而

民以為法也或云堯先任皋陶後任伯夷故后夔典

樂虞帝之世夷典禮夔典樂分為二周大司樂屬於

舜五祀論鍾石定以樂德教胄子樂語興道其風頌

語言直寬剛簡惟克有濟與於詩成於樂故典樂以

成均之法合國子弟詳畧雖異而其教則同仲舒康

也胄子元子以下及卿大夫子孫所養者厚以六律

所教者薄故於此而加詳繇聲之入人深也

五聲八音七始在治恩以出納五言而賞諸侯漢志

律呂和五聲施之八音合之成樂謂七始詠樂歌籥

舞以和鐘鼓大戴記夔詩言志歌永言聲依詠律和

聲八音克諧神人以和樂之所感幽明一也仲尼燕

黎舉夔典樂欲益求人事見孔叢子按八音克諧此

帝之所以責夔百獸率舞此夔之所以許帝劉敞等

以為脫簡非也論見發揮晏龍納言主賓客夙夜出納射侯書據

以待庶頑讒說殄行格則承之庸之不者威之而遠

人至納言者星也王聽下言納於上為名詩云出納

龍作納言也帝曰咨汝二十有二人欽哉惟時亮天工

民食蠻夷是岳牧之事已各戒之則此咨二十二
必不兼矣况亮天工者非岳牧之任而禹稷契皋陶
有不應絀者元凱十六相與義和之六卿歟九官在
其中故各以事咨戒之又如羣臣受任而遜於人亦
皆授職如及折伯與朱虎熊羆
不見任用有舊職不移也
三載一攷績三攷絀

陟幽明於是俊又在官羣后德異

三攷九年周傳攷績訓云三歲小攷

正職而行事九歲大攷絀無職賞有功也一之三以
至九年天數窮矣陽德終矣積不善至於幽六極以
類降故黜之積善至於明五福以類
升故陟之皆所自取聖無容心也
巡州觀風習其

情性因論十有二俗定以六律五聲八音七始著其

素以為韶退其利欲返其仁義九奏具成而鳥獸之

聲猶悉關於律

關猶統也

惟五祀定鍾石論人聲鳥獸咸

變乃更著四時推律呂均十有二變而道弘廣於是

勃然興韶于大麓之野執事還歸二年謗然乃作大

唐之歌以聲帝美聲成而絃鳳至故其樂曰舟張辟

雝鶴鶴相從八風回回鳳皇喈喈言其和也

書帝命驗云舜

受終而朱鳳來

因農而擾兵因獮而蒐練寓之牧伯故干戈

不試而人皆體之兵衛少而誅求寡故國不匱

陰經云陶

唐氏以人戒於國中欲人強其命也有虞氏以農教
戰漁獵簡習故人皆體之夏后氏誓衆於軍中欲人
先其慮盖有虞氏之兵寓于農
也故劉勰云有虞始戒於國
尚廣能賢以自輔博

學以成能師紀后

紀國之君即冀后故柳粲云舜師冀后

拜蒲衣

即披衣高

士傳云披衣蒲衣之子尸子云八歲舜遜以天下安矣

親單卷

即善卷善卷墓在今辰州大酉

山學於務成軺問於務成軺曰天下未治何以使我

對曰避天下之逆從天下之順天下不足治也避天

下之順從天下之逆天下不足失也新序作務成子

昭於是依乎中庸明庶物察人倫執兩端而用中於

民作五葆扇立誹謗木善旌諫鼓以廣直言之路管子

舜有告善之旌示不蔽也褚亮訪不逮於總章總章

疏堯鼓納諫舜木求箴詳堯紀一曰總期尸子云有虞曰總章商曰陽館王通牛洪

杜佑亦云故陳子昇云黃帝合宮有虞總章皆所以

調元氣治陰陽也然攷月令南明堂北玄堂東陽館

西總章三正所尚故夏商周以玄明陽為名惟虞非

三正總章非西義宜呂氏之繆養國老於上庠養庶老於下庠憲其

行止蓋貴德而尚齒熊氏云國老卿大夫致仕者庶

老謂士皇氏云庶人在官者其致仕之老大夫以上當養從國老之法士養從庶老

之法故外饗云邦饗耆老掌其割烹周人養國老於

東郊庶老於虞庠是也鄭云虞夏商深衣燕禮脫屨

質取貴成物故大學在西小學在東

陞堂祖割牲餽醬進爵公攝凡卿納鳥祝鯁祝餉以

養其氣體善則記之以為惇史崔云燕禮者殺有蒸

而飲酒以至霑醉饗禮則體薦而不食爵盈而不飲

依尊卑而為獻取數畢而已相尊敬也食禮則不飲

酒享大牢以嘗譖于眾曰吾盡吾敬以事吾上而見

者謂忠焉吾盡吾敬以接吾敵而見者謂信焉吾盡

吾敬以致吾下而見者謂仁焉吾是以見愛親於天

下之民而歸樂於天下之士又貴信於天下之君則

取之以敬也所以明道而諭教惟以忠敬而時鄉之

是以未施敬於民而敬時鄉順藏金嶼巖之山捐珠

五湖之淵而下服度

不事采鑿是藏之山捐於淵也抱撲子云虞舜承禪抵壁於谷

陸賈新語云以杜淫邪絕覬媚之情也

掘地財取水利股肱不居故祠

于田曰荷此長耜耕彼南畝四海俱有志利民也乃

作米廩以教于國以臧帝藉

禮傳米廩虞氏之庠也虞氏出于畎畝故特作

米廩藏粢盛之委焉蓋御廩神倉所謂廩于籍東南者魯之米廩虞氏之庠耳曰庠者祥事也於此教孝

或曰言詳

立兩學以教國士

上庠大學下庠小學小學在東左學也大學在

西右學也小學在國中王宮之東太學在

西郊虞夏質而尚右周則改之庠於周為鄉學

秋養耆老

春食孤子

大傳於是得策乘馬之數乃割高俾俾太衍

輟群害以作策馬貨當金貨一金二金二四金二五

金策乘馬幣

詳董氏譜其文當為尚策為乘馬為正按漢書天竺為乾篤而佛書篤皆作竺

又爾雅竺厚也楚詞帝何竺之則工之為篤不疑美

五二金者重貨也金一者輕貨也當金者當重金也

致之管又率百畝之夫而與之策率二十七日以為

子之春事以資子之幣分國穀之重而足國用春秋

子穀大登國穀之重去分為農夫曰幣之在子者以

為穀而稟之州里國穀之分在上國穀之重再十倍

謂遠近之縣里邑百官皆當奉器械備曰國亡幣以

穀準幣國穀之橫一切什九還穀而應穀國器皆資

而亡藉於民不窮其力而巧於使之故民死而不怨

飯糗茹菹鰓益亡膾而下不以餘獲罪瓦甌土型而

工不以巧獲罪麇衣塾領而女不以侈獲罪法下易

繇事寡易功而民不以政獲罪道大多容大德衆下
寡爲而用物常壯故天下之賢皆躍而歸之丈夫女
子振振殷殷亡不載說乃爲詩曰溥天之下莫非王

土率土之瀕莫非王臣以言賢之不時也呂氏輒輒顧顧注顧

顧欲動而喜貌爰省中河登南山觀河渚錄皇圖壇沈稷下

榮光休至孝經鈞命決云舜卽位巡省中河錄圖受文稷讀爲側地在洛水傍方堯禪舜沉書

日稷而赤光起舜禪禹沈璧堯壇赤光又起及湯觀洛沈璧二投光不起矣於是禹益進

戒見大禹謨遂申錫羣后封弃百里之駘賜姓妘氏妘卽

故堯本姬姓傳云妘姓封契七十里之商賜姓子氏中候契握

子氏孝經援神契同遷伯禹夏賜姓姒氏皆益命以爲公握

紀云堯卽政七十年受河圖圖繼云堯曰嗟朕無德鈔奉丕圖賜爾二三子斯封稷契臯陶皆賜姓號注稷契公也自商以上大國百里考河命曰舜褒賜群臣爵賞有分稷契臯陶皆益土故康成云三人皆先封舜加其封地而周紀謂禹封弃於郟安也臯陶能刑于封之臯而益滌鴻奏

庶鮮食于封之梁伯夷次禹能禮于神爰封之呂商武

正義云益其封昔不止於百里非於是繹承雲備咸池淮南子舜樂咸池承雲九

韶注兼用黃帝樂也以六律五聲八音七始詠叶治忽以出納

五言而賞諸侯命質作昭華之瑄尺有二寸之劄世本

舜造蕭形參差象鳳翼其管長二尺高誘以質爲卽夔非夔修大招六列五英以

明帝德以降上神通八風而齊上下拮隔鳴球搏拊

琴瑟以詠戛擊孔安國以爲祝敵然搏拊如鼓以韋爲之以作止樂則是與祝敵重設抑堂上

設之堂下復設之乎蓋搏拊非祝敵矣禮云搏拊玉磬指擊大琴大瑟中瑟小瑟荀子云懸一鍾而尚拊大戴懸一磬而尚拊拊設於鍾磬之東為眾樂之倡禮書云搏拊鼓類舜堂上有鼓堂下有鼗周官大師小師大祭祀登歌擊拊蓋曼編磬擊編鍾搏小瑟拊中琴之屬云拊琴擊磬如撈箏摘阮爾沈括云鳴球非可以曼擊和之至有時而至於曼且擊琴瑟非可以搏拊和之至有時而至於搏且拊不知其然宜祖考之

絃于玉戚冕而大舞下瑄鼗鼓合止祝敵燕禮下管

新宮禮下管象升歌象德下管象武事商詩先鼗後鏞鼓周詩先鼗後惟鏞天地之義鄭謂九夏先鍾非也

笙庸以間笙震鏞允陰陽之義笙至細鏞至大細大人聲而和儀禮大射樂人宿垂于阼階東笙磬西間而南笙鍾其南鏞西階之西庸磬其南鏞蓋阼階東有笙磬笙鏞西階西有庸鍾迭作之也

堂上之樂祖考來格虞賓來助

羣后德翼堂下之樂鳥獸瓊瓊擊石拊石百獸率舞

庶尹允諧韶箎九變而帝道成鳳皇儀五帝之樂莫

盛於此舜治至鳳來儀然後有簫韶九成以象之武治至復綴以崇而後有大武六成象之韶文

樂文為陽故韶九變而止武為陰故武樂六成一變為一成箎韶者舜樂總名舞者所執上取羽翟翥翥然之意豈止來鳳有苗之格寔繇乎此世以為簫舜樂固自有簫也康成以百獸為伏不氏之所養者然則鳳來其孟虧之所起乎有辨見發揮書中侯考河命云舜曰朕惟不艾蕝茨孚著百獸率舞鳳司晨注如雞而司晨子曰鳳鳥不至別鳳而言表靈物也通云夫鳥鵲之巢可俯而窺鳳皇何為而藏乎

故

仲尼曰韶盡美矣又盡善也又曰韶者舜之遺音也

溫潤以和如南風之至其為音如寒暑風雨之動物

物之動人仁義之動君子財色之動小人是

務其本乃封夔于歸歸即夔國語芊姓歸越是矣樂歸即夔國語芊姓歸越是矣樂

歸即夔國語芊姓歸越是矣樂歸即夔國語芊姓歸越是矣樂

侯云禹拜稽首讓于益歸注歸堯臣讀為夔宋忠云歸即夔之歸鄉乃今之秭歸縣地有夔鄉夔封在此地理志云秭歸歸子國是也子謂古以秭歸鳥名史曆書秭雉先嗥蓋俗作子規今秭歸縣東十里有夔子城高堂賦又作姊歸故袁山松等以為女嬃歸屈原喜而為名妄也 自即位以來順

堯攷德欽翼皇象

考河命云若稽古帝舜曰重華欽翼皇象注翼奉象曆也言欽奉皇

天之曆數也

天德出寧日月照而四時行積正合仁繇仁

義行是故好生之德洽於民心在位猶北極題期立

象臨下以簡御衆以寬損益盡繇堯道

曹褒傳肅宗元守二年詔

云帝命驗曰順堯攷德題期立象注堯巡省河洛得龜之圖書舜禪習禮題五德之期立將起之象也

宥過亡大刑故亡小任於人而不任於法故不賞不

罰而民可用

古司馬法注云故如故殺

尊德義貴緼年損已以安

百姓是故寡怨於人率天下以仁而人從之光天之

下惟好問而察邇言隱惡而揚善善與人同舍已從

人樂取諸人以為善言行一善從之若決自耕稼陶

漁以至為帝亡非取於人者體仁孝之德盡事親之

道五十而嬰兒慕承安引佚立義治律而萬物以皆

作分均天財而萬物以熙熙游于巖廊之上左禹右

臯不事詔而萬物成被袵衣鼓五絃詠南風之詩不

降席而天下治

琴書云舜鼓琴而黃河清南風詩說詳餘論

功格亡臯恩

被動植山川鬼神莫不咸若故曰受命於天惟舜也

獨正幸能正生以正衆生君天下生無私死不厚其

子有慘怛之愛有忠利之教親而尊安而敬威而愛

富而有禮思而能教是以宗廟享之子孫保之故為

法於天下可傳於後世天下之明德皆自帝始故仲

尼曰亡為而治後世雖有作者虞帝不可及也夫何

為哉恭已正南面而已矣舜有天下何容心哉敬修其可願而已是故執中含

和不下廟堂而行于四海尸子曰堯以天下與舜顏色不變舜受天下於堯亦顏色不變知天下無損益於已也夫何為哉董仲舒

以為繼堯故無為誤矣是以教通四海之外北發

肅慎晉灼疑北發為國名大戴禮孔子曰舜民明教通于四海之外北發肅慎大教鮮支渠搜氏羌

南撫交趾按周書有發人乃南撫交趾東長隲夷史

東北夷則發與肅慎二國焉西渠賜支渠渠搜也今朔方渠搜縣賜音夷島夷也長

曲羌是大大戴禮孔子之言出入日月罔不率俾大人反踵

俱被其澤萬邦黎獻共為帝臣而粒食之民昭然明

視屈軼產觀景星耀房古黃委轡山車垂綏洛書靈準聽云

舜受終鳳皇儀黃龍感朱草生蓂莢滋春秋佐助期云舜時景星出房瑞應圖云舜時有三足鳥金車見于庭即

山車也蟠龍貫信於其臧魚鼈孚游于其穴長胡獻

白狼之霜西母進益疆之版西王母西方昏荒之國說詳餘論十有

二牧貢亡不時君子人來效龍求能食之高陽之後

有董父能求其欲使豢之賜之氏曰豢龍封于饒川

於是始有豢龍之官少昊氏有裔子曰孟虧能馴鳥

獸而致鳳皇爰封之蕭故孔子曰舜其大智也歟起

布衣積德函和而終以帝其致好生而惡殺其任授賢而替不肖德若天地而靜虛化若四時而變物是以四海承風暢於異類鳳翔麟感鳥獸被德亡它好

生而已

書大傳成王問周公舜何人也曰其政好生而惡殺尸子曰有虞之君使天下貢善其治

天下見人有善若已有善見人有過如已有過此有虞氏盛德也

宅立三十有三載

咨禹而弔位焉

詳見書

乃更著四時張樂成於大麓

大傳

附于五祀鍾石渝笙管變未及終天大雷電烈風大木盡

拔大屋盡發宮羽盡革二工伏祝以操雅帝乃雖而歌者重篇樂正重贊舞人復綴乃更容貳節備十有二變奏肆夏而納以孝成四岳三公暨百執事成贊

于帝曰尚稽泰室唐為虞賓始而狂然汔茲美于四極誠禹之命敷于四海韶為賓而雖為主人莫能遷矣於是命禹行天子事與于臯陶弗可

其辭見于書

正月

朔旦受命于神宗帥百官如帝之初于時八風循通卿雲叢叢俊艾百工胥飭而歌曰慶雲爛兮糾縵縵今日月光華旦復旦今八伯拜手而進曰明明上天

爛然星暈日月光華宏于一人帝乃擁旋持衡沉首而笑曰時乎日月有恒星辰有行四時順經萬物允成襲乎鼓之軒乎舞之英華欲遂褰裳去之百工又

歌而終焉維時洪祀六沴用咎于下乃令大禹步于

上帝而共禦之帝用不差神則不怒五福乃降用章

于下禹乃共辟厥德用帝休令爰用五事建五極而

共禦之共供也共禦之法備見大傳云王后元祀禹攝之元元年也知五行傳不自後世歆向以來訛而繆之爾大三載釐苗弗恭命禹征之三旬苗

猶逆命益贊于禹曰惟德動天亡遠弗届帝之往于

田也號天隱慝瞽亦信順至誠感神矧茲苗乎言有證乎

其人者雖詳必錄此之類也苗竄三危而分北不在舜立之前此二苗竄後復有為三苗君者於是

般師振旅帝乃誕敷文德舞于羽于廟階七旬而有

苗格分北其民亡世在下人非禽獸俱有良心苗始至不得自新故承命而逆自救之計也及益言而禹班師矣苗聞義而始服果如益言故善用兵者示之以

以生故孔子曰通乎德之情則盟門太行不為險矣

德之流行邈於邠傳命用之明堂金在其後先德而

後武也舜其繇韓詩說死云禹請伐苗舜不許曰吾喻教猶未竭也久喻教而苗請服天下聞之皆薄禹之義而美舜之德初有苗負固弗用靈昏迷不恭

侮慢自賢反道敗德君子在野小人在位斷制五虐

之刑以亂亡辜爰始淫為劓則椽黥越茲麗刑併制

罔差有辭練抑惟刑靡察于獄之麗罔擇吉人惟時

庶威奪貨以是為法而民有惡德泯泯焚焚罔中于

信及是亡辭于罰遂分北于既吳禹於洞庭張樂成

于洞庭之野乃作大唐之樂以既帝美作大化大訓

六府九原之章以颺禹功而君臣之美盡矣十有七載天見妖孽黃星靡鋒帝乃死宋張鑑觀象賦云嘉黃星之靡鋒明虞舜

之不以瓦棺葬于紀是為鳴條紀即異故紀后為異

有異亭異子國也鳴條在安邑西北其地相近記謂帝葬蒼梧皇覽在零陵營浦縣尤失有辨見發揮

年百十有一世紀八十一即貞八十三薦禹九十三

妃娥育亡子禮云蒼梧葬三妃未之從以證古無合

楚辭有相君相夫人世傳堯女故退之以娥皇為正而英為庶皇長故曰君次為夫人不知堯欽舜之德

釐降二女方在妻列厘降以理下之也豈云媵哉但二女觀舜之德時以婦道嬪於虞氏舜即位乃擇立焉鄭云舜但二妃佃

云三妃舉其貴耳女瑩生義鈞及季釐季釐封緡

為桀所克義鈞封于商是為商均是喜歌舞禹封均

子于虞虞思妻少康厥後虞君惟專於樂臣爭于權

民盡於利而亡見周書思為象次妃癸比氏生二

女曰宵明曰燭光處河大澤靈照百里是為湘之神

大澤謂洞庭言為神處此故靈光及於百里也以湘神黃陵為舜之二女非堯之女也唐屬岳司馬氏時屬長沙天祐中號懿節子嘗欲作

黃陵碑言之詳見發揮辨舜冢中庶子七人皆釐降

于齊人代宗詔云虞夏之制諸子疎封世紀云圭胡

負遂廬蒲衛甄潘饒番傳鄒息有何母轅餘姚上虞

濮陽餘虞西虞亡錫巴陵衡山長沙皆其裔也並詳國名

記夏之世有箕伯直柄伯戲中衰成湯寘之于遂遂

世守之後為齊所滅莊公十二年齊桓滅之左氏正義及風俗通云商封之于遂袁

良碑云世本陳遂舜後宋虞思後箕伯直炳中衰湯封遂於陳以後舜箕伯之後箕子

事紂仍諫不入陽狂為奴紂敗囚釋為武王陳洪範

去之朝鮮以道義化其民蔚為君子之國宋世家云箕子紂之

親戚蓋外親也而鄭玄王肅馬融之徒以為紂之諸父伏虔杜預以為紂之庶兄皆無正文以意言之大

傳云箕子不忍為周之釋去之朝鮮武王因封之朝鮮遂有臣禮故十二祀乃來朝然敘云勝商殺紂以箕

子歸是釋其囚即歸因訪以伐紂之事假以天對陳洪範而去之蓋遜而去如夷齊之於首陽非就封

也十三祀併後有箕氏鮮氏鮮于氏姓纂云其支子仲封鮮于為鮮

文王之年于氏顏真卿鮮于少保碑云先太師武王封于鮮直子仲食邑於于而受氏寰宇記潁川八姓有于鮮直

伯之後有直氏圭衛蒲傳則商滅之胡潘則周滅之

息負廬鄒則春秋時入于疆矣後各以國命氏郡國志云

衛國姚姓亦見水經注有虞氏幕氏司徒氏申屠氏信都氏勝

屠氏勝氏勝徒氏申屠見世紀湯時有申徒狄然衛文公子許宋公邛陳成公子後

皆有此氏姓纂云申侯子居安定屠原而姓非晉氏咸氏遂氏須遂氏合博

氏李氏漢胡不害封合博侯為氏唐定襄王李文恩本胡氏李叔明本鮮于氏賜胡有何

皆歸姓王符云歸姓胡有何魯襄夫人胡女共少歸齊歸是胡公世不淫至虞

闕父為周陶正武王妃其子胡公滿以太姬姓纂均後三十

一世孫遏父袁孝政以太姬穆王女名胡姬妾錫之媯姓與肅慎之珪復之

于陳大戴禮禹受命乃邑姚姓于陳則胡公乃繼封也以備三客三恪義取

左氏傳以陳備三客徐錯云今俗作恪古讀客如恪即三恪也詩云有客者故陳王問太師周存二代又

有三恪何也對曰封夏商之後為二代繼虞帝之二後為三客客敬也言禮之如賓客非別有三恪也

各史

後紀卷十一 二十一

十有五世而楚滅之後有陳氏過氏轅氏棟氏袁氏

爰氏慶氏衡氏柳氏鍼氏逢氏敝氏弱氏柁白氏五

父氏駟氏恩氏甄氏番氏闔門氏壺丘氏偃師氏司

甄氏儀氏昭公八年滅明年又書陳災君存焉爾哀

采袁鄉為氏乃轅也甄本音堅陳留傳云舜陶甄河

濱後氏按楚子縣陳通奔周王以為中將美其族遂

命為甄氏云錫姓因生如堅之讀形聲轉注以真為

音鎮林攄倡名呼堅於襟不知也見張說甄匱碑

初齊桓公十四年陳宣公殺其太子御寇而敬仲奔

齊致陳樂是以孔子在齊而聞韶敬仲有禮桓公說

之以為工正為田氏世家云如齊以陳字為田氏然

亦有七世成子弑簡公分齊國孔子沐浴而朝請討

之哀公不悟故孔子曰以吾從大夫之後不敢不告

也孔子請討陳當時已致仕其意本以明君臣之義

於三家使知不為夫人討本為齊也公不知之反

使之告三子宜三子之不可也然攷左氏家語不可

似在孔子不曾之三子自是二年孔子卒又十一年

公孫于越前後學者不知聖人妄又三世而田和移

為之說故發之非敢異聖人也齊又六世而齊滅之有敬氏皮氏車氏恪氏穰氏汲

氏稭氏穉氏辱氏廣信穉氏薛氏法氏王氏文氏苟

氏光氏紇于氏尉遲氏司馬氏王建子為王氏望陳

五倫窮賜取鹽曰王伯襄王法章後為法氏田文封

薛後有薛綜穰本田氏范希文誌田氏云將有穰直

後魏賜大司空田宏固紇于氏其複氏則有少西子

許昌公陳忻尉遲氏隨並復

穆世本僖子子子占子沮世本烈子與子獻本桓子

子後

子後

子後

子後

子後

子後

子後

子後

子後

子後

子後

子後

子後

子後

子後

子後

子後

子後

子後

子後

子後

子後

鞅子梧子坊子芒

世本僖子子子芒後一作竺

子寤子尚

世本僖子生廩

丘子子石

世本桓子生子石後

子夏子宋子禽隼子子仲

陳宣公

子仲詩子仲之子者惟書無子夏即宣庶子子西子禽者僖子後

顓孫亾字五王安

平廣武即墨於陵之氏

無字二子常書書字子占伐莒功景公賜姓孫采於樂安

登其霸先亾梁以為陳者五世而隨滅之

凡三十二年霸先寔

之十七世姓纂出武南東海者胡公後出武當者太丘長後出長城者晉中郎將達十世為陳武帝齊

宣王封母之弟於母鄉為胡母氏胡非氏威氏慈母

氏慈氏漢初徙諸田關中而遂有第三至第八氏沙

鹿留占亾生元后是育孝成四世稱制

僖公十四年沙鹿崩占曰

陰為陽雄土火相承六百四十五祀有聖女興其齊田乎至漢王翁孺徙元城沙鹿也舜土漢火日月復

當之及生政君入東宮生成帝四世稱制及崩楊雄諫之及沙鹿事

漢求帝後得媯昌

為始睦侯以奉其祀焉

莽封之又封田封為世睦侯奉敬仲後後魏孝文詔訪舜

後獲萊郡民媯苟之復其家

始禹分帝之少子于西戎秦厲公世

有無弋爰劔曾孫舞生子十七為十七種忍九子研

號研種十三世燒當代雄洮罕之間

居河北大允谷

四世孫

填良益貧良卑滿侵甚為所敗虞滇岸滇虞

即吾生

東吳迷吾後益困依發羗吾曾孫麻奴收怨羗復振

滇零大捷漢遷那內附中元間寇西郡馬武有弋仲

襄萇是為後秦云

事詳餘論

有無弋氏研氏滇氏東氏迷

氏鈺氏

賚 若昔善化臧用於民民繇不知孰識其仁北面
朝堯君臣道盛齋桌見瞽父子以定二女嬪降夫婦
以貞庫貢源源兄弟以成形端表正萬邦作孚能事
畢矣夫何為乎

有虞紀

予言其略經載其詳予言其詳經載其略虞策夏
前不著于經予則詳之而畧之于典諫故曰予言

其略經載其詳

夏時之類各見本紀

四凶之去有堯去之者

四凶當時世家巨室為政用事者按莊子音義堯
六十年乃放驩兜六十四年流共工六十六年竄三
苗按縣共工以誹禪竄逐今攷此年載似不相合
然大戴五帝德紀云四凶之去皆堯也淮南子荀

子戰國策亦言堯伐驩兜荀子國策言禹伐共工
周語亦云堯殛鯀是縣之殛非舜明矣世言縣以
治水無功殛死尤妄夫治水縱無成而仍作九年
亦勤于民事矣勤于民事者先王皆祀之豈有至
於殛死者使縣不能啓其功于前則禹亦未能速
收功于後故祭法云縣障洪水而殛死禹能脩縣
之功是縣非無功也不能成爾果以無功八元八
殛則何以見乎夏郊謂治水殛吾弗信也

凱之用有堯用之者而傳壹之于舜

八元高辛之子伯奮仲堪

叔獻季仲伯虎仲熊叔豹季狸也當是二母黨故
皆以伯仲叔季為號書有朱虎熊羆說者以為二
人予稽之四人也虎為伯虎熊為仲熊江東語豹
為朱語者相傳是朱為叔豹也則熊為季狸必矣
故人物表作季熊蓋漢去焚書未久猶有傳習故
尚存一二但熊當作罷傳寫誤也伯奮是弃契之
倫而叔獻則叔獻也是堯多用之者若八凱則高
陽之子蒼舒隤欽擣鉞大臨龐降庭堅仲容叔達
也隤欽乃伯益之字為堯伊衡服虔以八凱為垂
益之屬杜以為垂益臯陶之倫正義乃謂垂臯陶

皆顓頊之後也垂乃炎帝之後皐陶乃少昊之後也杜又以八元為契等八凱為禹等蓋以書言契敷五教禹平水土而傳云舉八凱使主后土舉八元使布五教因謂禹契在其中蓋八元八凱非主一事云主后土布五教以事之大者言爾五帝德云堯命伯夷夔龍虞舜彭祖杜預謂史克之言有過辭為稱庭堅班固杜預等以為皐陶字鄭注論語以為皐陶號曰庭堅非也文公五年參與六威臧文仲曰皐陶庭堅不祀是二人也書自有傳本有兩舉人名與字者是堯多用之矣自有能庸命至乃命以位略是數十年事而書不過數語可謂略矣以天下予人異矣以為不可而諫者多矣豈直崇縣之與共工哉經亾見焉故曰予言其詳經載其略

路史後紀卷十一終

路史後紀卷第十二

疏佗紀

宋廬陵羅泌纂

男萃註

明廣陵喬可傳校

夏后氏

帝禹

齊罇佗壘志佗佗古書命雲臺命嘯堂集古有夏禹印正佗

夏后氏

夏籀文

書夏盡鍾夏夏隸

姒姓名禹

按禹廟謚議云或曰禹桀皆易名周人革民視

聽故以行為謚追夏始祖與末王而加之夏商之世諱忌未行臣子呼君父名無嫌猶朕尊卑得共稱之

大禹之名飛在金鳥前懸於玉兔上大荒音而必作億載聞而亦新而開元禮祭夏王云敢召告于夏王

禹瀆

一曰伯禹

按禹一曰伯禹亦曰大禹者尊其爵為稱也羅疇老云禹之功至水平而

矣

後大故於禹成厥功之後始稱大禹湯之功至克夏而後成故於湯歸自夏之後始稱成湯然則果謚乎

抑字號也 **是為文命** 孟子曰放勳乃徂落知放勳者號也

華文命為舜禹之號明矣梁武祠像碑堯曰放勳舜曰重華而禹不著故文命之說為迂詳發揮非謚辨

其先出於高陽高陽生駱明駱明生白馬生 鮮記海內朝

是為伯翳 傳記翳為高陽玄孫故世族譜譏之按漢律志及帝系三統曆皆謂為高陽五世孫

世本等以為高陽 **字熙汶山廣柔人也** 見子雲蜀記今之茂洲後

周汶山郡汶川縣漢廣 **媵直敗數帝使治水稱遂共**

工之過廢帝之庸九載亡功 墨云伯翳帝之元子廢帝之德庸既乃荆之羽

之郊此親而不善者楚辭云翳媵直以亡身蘇軾云蓋剛而犯上者若小人也安能以變四夷哉左氏之

言後世流 **逮帝禮舜熙怒于帝曰得天之道者帝得**

地之道者王公胡為 論意欲自以為公彷徨于野

以患帝乃過之羽山 書殛于羽山殛者致之死地而

鴻水帝怒命祝融煞之羽郊故天問云永遇羽山歐文忠云翳殛羽山慙而斃騷經云終歿乎羽之野漢

志羽山在不其縣南今海之羽山縣獨居山也元和志縣西北百二十寰宇九十臨沂東南百十高四里

周公里蓬萊南十五俗呼懲父山南百步外有淵水常清半半不敢飲曰羽淵淵上多細柳鳥獸不敢踐

有羽潭羽 **三年而死是為羽淵之神** 山海經云南望

胸音同 化今陸渾東有禪渚即縣化之所河南密亦有羽山

縣化羽淵一或在此神則無不在也子產云其神化為黃熊事詳晉語或云黃龍

或云玄魚云能鼈有說別見 **寔為憂郊三代舉之** 晉

語按縣以殛死墓今在臨沂東百里惟神化余歸藏啓筮云縣死三歲不腐副之以吳刀是用出啓寓音

也 **初縣納有莘氏曰志** 帝系有莘氏之子謂之女志

傳佐有嫫女媧故記多佐女

嬉失是為脩巳一作年壯不字獲若后于石紐秦宓

生石紐今之汶山郡乃今茂之汶川縣石紐山也在

西蕃界龍冢山之原青城記音生於石紐起於龍冢

者世紀作石切雜書云有人出石夷隨巢子謂禹生

崑石皆指此也越春秋云女嬉於砥山得意蓋石

似惹流星之為蓋桓玄母馬氏之類故禮緯云祖以

感惹生按書帝命驗云白帝以星感脩紀山行見流

星貫昴感生姒戎文命禹注星金精姒禹氏成生戎

地名文命也又孝經鈎命訣云命星貫昴脩紀夢接

生禹注命使之星故世紀云修巳山行服媚之而遂

見流星貫昴夢接意感生禹於石紐

孕歲有二月遁甲開山圖榮氏注云女狄莫及石紐

孕十四月以六月六日今淮南俗尚以六月六日為

生夏禹禹王生日蘇軾游塗山廟詩

自注云是屠龍而生禹蜀本紀云禹生石紐禹母吞

日數萬人珠孕之拆副而生世紀云吞

神珠拆曾而生故仲舒繁露云禹生發於背於熨道

契生發於曾屈原云勤子屠母勤子屠母

之石紐鄉所謂剝兒坪者

孟子云禹生石紐董陽志

記今在茂之汶川縣北四十任豫益州記廣平之石

紐林者今其地名剝兒坪蜀本記作剝兒畔夷人共

營其地方百里不敢處及畜牧有罪者逃之捕者不

逼三年則原之畏禹之神亦猶窮山不敢西畏軒轅

之丘也十道記紐為秦州地名隨巢音禹生碣石之

東斯繆矣禹生杜縣未出用之前十數載則其在熨

道長於西羌西夷之人也青城記云禹生於石紐起

矣於龍冢龍冢江源岷山也

有禹廟填許山上廟平八十畝每朔身長九尺有只

虎鼻河日斷齒鳥啄臣三扇

世紀長九尺二寸耳參

寸戴成鈴裏玉斗鄭注雜書靈準聽云有人出石夷

禹曾育有墨如北斗鄭謂懷旋璣玉衡

之道戴鈴謂有骨表如鈎鈴星也

曾育有玉斗首戴鈴虎鼻大口足文履

已董繁露云足昕疾行先左隨以右聲為律身為度

稱以出

司馬索隱云聲與身為律度則權衡亦自身出故云稱以出非也蓋稱量而出之用權之

道如巽卦以巽行權而云巽稱而隱隱微也其次為天秤本此

豐豐穆穆為綱為紀

家語支子云每子云為綱為紀

敏給克勤其德不違其仁可親

大戴禮

師於大成摯

作覽作贊新序作執

暨墨如

一作默

子高

百成子高

學於

西王悝

西王悝也新序作西王國白虎通義曰國先生繆也

寔懋聖德夢自湔

於河西四岳舉之舜進之

世紀拜治水土爵司空

易林云舜

升大禹石夷之野

諸王庭拜治水士傅子云荀仲

豫稱禹十二為司空按舜攝時舜既死而禹用攝

乃握括命

時蓋年十四後代守中多矣傳云大司空

書中侯云伯禹在庶師舉薦之帝堯握括命不試爵授司空伯禹啓首遜于益歸帝曰何斯若真出命亦乃天

天以命之故不復試司空周之冬

暨

虞余度

人徒以傅土

傅敷布之謂言畧分布之定州土之形然後施工天問云降省下土四方即荀

作溥即云敷治非也

悼前人之非度乃勞身焦思輕尺璧而憐

寸陰志勤天下左準繩右規矩纚長風沐甚雨攝從

三子

稷契益

履四時乘四載

四載多說書注說文淮南注皆以舟車獨克獨尸子

塗以楯險以撮山標沙軌宜是有說別見

行山表木斬高喬下

管刑勢云禹斬高橋

下以致民力

定高山大川

廣谷大川風俗之所以異九州之所以分故推其高大者先正

之然後九州可別如大山定而山之西為充大河流定而河之南為豫此分畫之要也孔云岳瀆差秋失之

疏停道滯鍾水豐物身畜菑以為人先

禹功記云禹治水其功暨

成今江河淮海之神曰魚鼈盛衰隨世安危自是之後
後年心小減其物遞增其價以食晚未之民應天意也
堯之水河之患為甚沛次之淮次之江漢次之濁

河所被冀兗重而雝輕沛之所被則徐輕而兗青冀
兗之流皆自其東北走海而冀又上京故治水之急

先於河自上而下有治水先後說見於於是發迹壺口

治梁及岐呂覽淮南子禹時龍門未闢呂梁未鑿河

之曰洪水禹通之為孟門水尸子云呂梁未闢河出

孟門為二寰宇記呂梁在離石北以束可三百餘里

今石之定胡龍門在壺西南梁山在馮翊則龍門之

南岐山在扶風夏陽則在其西差遠水溢孟門時皆

墊溺故始於壺口乃治梁山方南至于華陰東至底

及岐所謂既載壺口猶俶載也

柱斲孟津梳三門以奠西河既修大原至於岳陽覃

懷底績孟門既開二地

出於水從而治之漢志以為二山蘇軾以為河患上

及之水經禹鑿砥柱以通河水謂之三門今在陝一

曰閼流地記河水東流貫柱觸於流者在南河水峻

害舟一十九灘勢三陘所言龍門下駛如竹箭者鴻

嘉中楊焉言底柱淤遠成帝使鑿沒水鑿之不

能去水益怒至今伯禹為萬世慮豈有可鑿雷以俟

焉者西河觸華山之北故妄妄者斯二渠史云斯雷

至大陸敵為九河合為逆河以入海

九河始元城今大名縣西三里

故瀆也新論王平仲云西南河間涇渭漆沮伊洛灋

澗眾流輻湊昏墊常先聖人故於冀兗間逆設為河

以防暴至之患未至則不妨於民耕既至則猶未暇

不隳民舍周譜定王五年河徙故道今禹穿猶未暇

積石也

自壺口至積石三千里水無甚害始壺口者

所施見下 冀州既又於是準地之勢自北而南兗青

徐為東偏離高於豫豫高於青徐離豫餘流繇鞏洛

而入河揚下於荆荆下於梁梁荆之水東自揚而入

海故東南次兗青又南次徐四州治而河患息又南

沉于揚又西次于荆以放江淮江淮又而洪水定淪

沛潔決汝漢引南河以通淮泗排淮泗而注之海河南

汴也道元玄大禹塞滎澤開汴以通淮泗有汴說別見沂從下邳入泗泗至淮陰入淮書云東會于泗沂

入于海孟子言排淮泗注之江非也故李翱來南錄云自淮沿流至高郵乃沂至于江併引孟子謂淮泗

嘗入江禹之舊迹也 熙寧中遣使按圖求之見故道宛然但江淮已深無復能至高郵所謂故道者果

邪傳云離豫洪流繇於是繇荆而北次于豫繇豫而

西次于梁繇梁而北次于離以奠江河之上流

謂道積石

此治九州餘浸者舊云水自下而治上魏幾道論禹貢豫居九州之中與兗徐接境何自徐之揚顧以豫

為後考蓋順五行而治之冀為帝都所在所先而地居東北於五行為水水生木木東方故次之兗青徐木

生火火南方故次之揚荆火生土土中央故次之豫土生金金西方故終之梁離所謂彝倫攸敘蓋本於

王安石冀地下而在北方水所始之言洪紫微愛之非也冀繇有治水先後說見發揮 櫛泉繁

以返諸術濬畎澮以距諸川汨九川以距諸海九州

滌原九山封崇九澤始陂

子晉云封崇九山決汨九川陂障九澤豐植九藪汨

越九原宅居九隩合通四海太史公云禹漸九川國語云曲九防謂陂障也澤如雷夏既澤大野既豬之

類川如恒衛既從離淄其道之類山如蒙羽其又蔡蒙旅平之類川不可使之堙澤不可使其散故或導

之使行或鍾之 暨伊益奏庶鮮食暨伊稷播庶艱食使止順其自然

奏庶鮮食阜通有亡化居蒸民乃粒萬邦作乂

上鮮食肉

食鳥獸也下鮮食魚鼈也山林與益同之行川澤與稷同之水功方興必先圖食于時五穀不殖食鮮而巳黍稷之類水時施功尤難得以播之化居者懋遷阜通貨賄之謂有則懋使之遷以濟無無則懋使之遷以從有故士農不斲削而械用足工商不耕稼而穀粟充物不可積故使之化化之所以為貨可積以待財使之居居之所以為始禹之治水七年矣傷功賄此有無化居之利也

未就愁然沈思于是上觀于河河精授圖

書中候云伯禹曰臣

觀於河伯人首魚身出曰吾河精也授臣河圖瑩入淵伯禹拜辭注即括地象也瑩去也今孟津淘河

乃北見六子獲玉匱之書以從事

所謂鳴天下經詳予福地記

黑書於臨洮得綠字于濁水乃駐江山棲桐栢受策

鬼神之書乃得童律狂章鴻蒙之徒制其水怪

水怪無支

祈事詳岳瀆經集仙錄晉天志云昔大禹觀濁河乘而受綠字寰瀛之內可得而言也有支祈說別見

龍降之乃命范成光郭哀御以通原

天問云鳴龜曳

銜縣何聽焉順欲成功帝何刑焉王逸以為縣殺羽山飛鳥水蟲曳銜而食之柳子爰有鳴龜肆喙之語

洪注不能正有

應龍說別見 聞宛委黃帝書乃吉齊剖白馬三月

庚子登覆黼探穴獲五符知治水要

仙靈符會稽紀

筭昔禹治水功未就發石筭得金簡玉字以知三河體勢於是疏導百川各盡其宜聖賢處所記與越春秋皆記之太霄琅書及四極明科云夏禹於陽明洞天感太上命繡衣使者降授五符以治水檄召萬神後為紫庭真人陽命洞

揆地

拾遺記禹鑿龍門至空巖得伏羲玉簡長尺有二寸及八卦圖開山圖又云游龍門八神探玉

簡授之長尺二寸禹執簡平定水土開山圖云禹游東海得玉圭碧色長尺二寸光如日月禹以自照洞

遂周行天下主名山川以利於民

即洞視玉版也
張揖云禹為堯司空辨九州名山川也
山川理脉土地所

宜風炆所生畢究其政草木企走蜚動蟲魚俾益疏

之以為岳瀆山海二經
越春秋云禹按黃帝經見聖賢所記在九疑東南天柱號

曰宛委承以文玉覆以盤石其書金簡青玉為字編以白銀塚其文禹乃東巡登衡山求之赤繡文衣男

子自稱玄夷蒼水使者來候令齋三月受求禹乃齋三月登宛委得金簡通治水之理遂巡周行天下四

瀆所至名山太川召問其神使益疏之為山海經王充別通云禹治水益主記異物海外山表無遠不至

以所聞見作山海經非禹行遠山海經不造仲舒觀重常之鳥子政識二負之尸以見經也
東造

絕迹西延積石南逾赤岸北過谷而裴衷乎昆侖察

六扈青泉赤淵分入洞穴金匱玉符以鎮川瀆
禹功記云

道河之際沈秘景符以鎮五方水患後人賴焉昔王原引杜暹下浙江觀禹玉匱事見紀聞
當是

時也晝不暇食夜不獲寢以與萬民同務
賈云
燒不

及攢濡不給挖冠罍而弗顧屐稅而弗納
淮南子禹身執藁車

以為民先剔九河而道九岐鑿江而通九路辟五湖定東海當此時燒不暇攢濡不給挖死陵者葬於陵死澤

者葬於澤故節財薄葬間服生焉韓子云
躬操橐相

而九雜天下之川
見莊子御覽作九滌集韻作鳩余非也
居外三十年

三過門而不入東至樽木日出九津青羗之野攢樹

之所播天之山鳥谷青山之鄉窮髮帶方之地南至

交趾孫濮續構之或丹粟沸水之際南嫉黃支之堵

不死之望西過三危之阨巫山之下飲露之民奇肱

三百北至太正之谷夏海之窮祝栗之界禹強之里

積水積石之山未嘗暇息勤考之勲憂其黔首身解

跨之河即陽紆經所言縱極之淵也括地圖音河水又出於陽紆陵門之山者穆王之所至然爾

雅云秦有陽紆在今扶風汧縣外鑿三十亩隸十七

湛疏三江道四涇通十有二渚並管開峽口川陝璞江賦云巴東

之陝夏禹所鑿故杜甫云關伊闕鑿轅轅破碣石伊

早知乘四載疏鑿控三巴決梁山所謂龍門孟津河口廣八十里步岩際鑄迹遺

功尚存又云風山山西四十里河水南出孟門山與龍

門對即龍門之上口黃河之巨厄此經禹鑿廣岸深

崖穆王西出孟門九州之澄者河出兩山之門最湍

悍故鑿之今韓城有禹廟寰宇記云禹治水至龍門

今夏陽縣是禹巡遶至遶山即龍門山即龍門關

極險魏大統七置戍司馬彪云呂梁即龍門又鄉寧

西南北五壘石城據嶺臨谷西南南俯河龍門之上口

號倚梯中有禹廟魏孝文至立碑黃囊經云南北相

去萬里五湖四海月朝龍門故

慈之文城西南三急深七

元禁捕魚金山中鑿空如槽闊五十步東流

懸注七十餘尺魚鼈所不能游號石槽東岸

伐山封仞以載厥

有石槽祠禹之記禹治水

所施功在此所穿皆以

青泥封記之龜印其上十洲記禹至鍾

岳使工刻石識其里數高下其字科斗

皆禹明書也不但刻廟五岳諸名數行矣

山亦皆有之亦見雲笈二十六周牌

高語周公積矩之法禹所以治天下者也數之所生

也趙語云禹治洪水決流江河望山川之形定高下

之勢除滔天之災使東注海無泄流沙于西隅決弱

浸溺之患此句股之所錄生也

水於北漢清流沈之地下而上疏故鬢九河於緡

崩道五水於東北爰虛其處及時水至而得以縱逸

濟口碑云姬氏之所常蹙崇縣之所不能治漢長水校尉高並言河決率於平原東郡左右其地形下而

上疏惡也聞禹治水本空此地以為水猥盛則放溢少損自索察秦漢河決曹衛之域不過百八十里可

空此地勿以為民室漢古河決瓠子云熙寧十年秋大決曹村下埽及澶後派為一二會南清河入淮

一合北清入海乃故瓠子地土詔築堤石十四里孫洙作記皆九河故道所致功之所施名

川三百支流三千而弗自功惟心剝形瘵以趣事手

不瓜腓亡狀儀色黻鰲支不遂跳不相及竅息不通

勞而不居以勤于民而中帝心古人云明德遠矣微

禹之功吾其魚乎其功之施于下世者如此其深且著也行年三十取於塗山氏舜攝之十五年呂春秋云禹年三十未娶行塗

山恐時莫失制曰娶必有應乃有白狐九尾造焉禹曰白者五服也九尾者陽數也塗人歌曰綏綏白狐

也九尾九尾麗成昌於是娶於塗而天間云焉得彼媪山女而通之於台桑世紀塗

山氏合昏于台桑之野塗山之鍾離西七十里五塗山也即平河之當塗縣壽春東北太康地記云古

當塗國也漢當塗縣為塗山縣應劭等以為會諸侯處非也乃穆王會諸

侯所又巴渝江北岸有塗山禹廟塗君曰趨世本廣雅作嬌

繆是為攸女連山云禹娶塗山之子名曰攸女生辛余故世本禹納塗山氏是為攸女也壬癸甲行十月而生啟啟見其父呱呱而泣而弗皇

子也劉向說苑及孔晁云出先人書家語國語同呂氏云禹娶于塗不以私害公自辛至甲越四辰

而復往治水或謂辛壬癸甲為四年然後有啓太史公言辛壬娶癸甲生啓繆矣或云癸甲下缺文俱妄

夫娶與生子乃自二事其娶止以辛壬癸甲四日一也子生啼而不暇子之二也吳越春秋云娶于塗山

辛壬癸甲禹行十月而生子是啓十月而生也列女傳言娶四日而去治水啓既生呱呱是矣王逸言辛酉日娶甲子日去而有啓故說文云九江當塗民以辛壬癸甲之日嫁娶而水經亦言汝淮之俗至今以嫁娶日也

稱畚築賦蓑遽程土后
呂氏云禹之夫水也令民娶瓦礫事已成功已立爲萬世利者禹之所見遠而民莫之知也淮南齊俗云禹時天下大雨令民取土積薪擇丘陵

略茲基平版榦坏城郭謹關遂以御寇攘使

民知閭闔屋室之築
城也古有禹作郭爾傳云處士東里槐責禹亂天下禹乃退而

作三章強者攻弱者守敵者戰故城郭繇禹始而淮南子言縣作三勺之城諸侯背之禹乃壞城平地散財物禁甲兵施之以德海外賓服會諸侯於塗山執玉帛者列萬國故機械之心藏於胸中則純白不粹在身不知何遠之能懷其爲說之爲異如此

於人則不能勸也故鬻河而定之九牧鑿江而涓之

九路鄧五湖而定東海民勞矣而不怨利於民也故

不自言其信而信諭矣
外紀云通九派疏五湖鴻水漏中州乾率然語也三江九

江四瀆沈濟並詳于福地記
人祖饑而僨子者取歷山之金制弊

賣之羨餘胥給以均諸侯
高道穆表禹遭大水以歷山之金鑄錢救人之困湯

遭大旱以莊山之金鑄錢贖人之子事本管子傳言夏以貝按夏貨乃有二金一金字作舌二川義雲章夏作金而俅集古夏正與此弊同又有一金一金輕貨二金重也
乃商九州之高下

相其原隰及山川之便利任其胙腠格朋胗其殖殫

剽恣沙桀作其畦畛正其疆界以杜爭奪
傳言禹經啓九道畫

爲九州禹貢九州之畫實在治水之後蓋因治水見地勢之分斷皆出自然不可十二乃復爲九爾
九

州之土有常而物有次五沃之土五粟爲長五臭所

毓凡彼草木有十二裘

此以壤邑辨蓋如周施草人

二土為十二州之土如職方所掌職方從時王大司徒因土古如十二壤每土有十二之別若草人醉剛

之九土而益以青黎塗泥其說非是

上土廣鳥黃壤赤臚中土黑墳白

壤墳墟下土青驪塗泥品居庶彙而正九賦

隨食志云禹制

九等而康歌與九州以土色定田皆有定賦惟冀豫梁揚錯出冀豫荆青徐雍兗揚梁為次然雍兗皆六

六而無九一夫履地五十而貢

井里古法孫毓以謂井邑丘甸為周制禹治水未暇

及丘甸妄也語云盡力溝洫書云濬畎澮此井制也詩亦有云惟禹甸之何云未暇乃復定其

九貢沈之漆絲織文青之鹽絺海物惟錯岱畎絲枲

鉛松怪石萊夷厭絲徐之色土羽畎夏翟泗濱浮磬

繹陽孤桐淮夷之玄纁縞班珠及魚

禹貢之匪三出於夷傳不之別

玄纁縞三物古今訓織物為細亦非

揚荆三金齒革羽毛惟木揚之搖

關筱蕩島夷卉服織具橘櫟錫貢

卉今之黃草貝今之吉貝代亦弗知

說文班夏書從賓從虫宋弘云淮水出班珠珠之有聲者荆之柅幹栝栢厲底斲

丹及箇籛楷玄纁璣組包軌菁茅

茅生巴陵祥符東刻惟一老人識之

豫之漆臬絺紵織纊磬錯梁之熊羆狐狽璆鐵銀鏤

斲磬雖之球琳琅干

東海魚須魚目南海魚革璣

珠大具西海骨幹脇北海魚石魚劔出瑱擊問

古貢必以

用物如怪石微物亦適用然後貢魚石魚頰石魚刀魚劔魚兵如刀劔者與魚革脇皆以飾小車纏兵室

羽葆者旄牛尾樂舞用非甚切故禹貢不著出瑱如凝膏浮水上擊問如船大五六尺可治劔周書言問

似喻冠喻冠奇魚出揚州注射禮以大都鯨魚魚刀

間為射噐鄉射注以為獸謂似驢妄

河蚌江蟬五湖元唐鉅野之芟鉅定之羸治中膽諸

孟諸九江大龜隆谷玄玉歲咸會于尚方以俟其工

之需上農赫土出金上工礪石出玉各以土產任土

作貢貢者夏賦之總名別九州賦九等貢九等聖人

于王賦歸諸侯也任土者隨土所出不以所無若所

難得者也鄭志云凡所貢匪皆以稅物隨時價市之

其地之所有以當邦賦蓋圻外侯不以致遠故也龍

子曰莫不善於貢然則貢非禹之法乎此禹之後世

禹之時法已有助安有不

善後乃知其有不善爾

畿不貢穀米兵車是之取

百里賦納總二百里納銍三百里斲服四百里粟五

百里米邇重而遠輕凡五里為甸服甸佃也總當是

是所州至即納之夏服橐蒙之屬如云寢衣之總為

橐穉銍所州穉稻為橐非惟顛倒是內反輕矣冀不

貢者以其入穀而入州地遠穀重難致故先王制為

之貢此仁政也是則貢者在九等田賦之內以其多

寡為賦之常非九等賦之外有貢也經文納銍而上

特加一賦字則貢賦出於田可知矣侯服以下不及

所輸物惟甸外率五百而為侯綏要荒侯服之內采

男諸侯隸焉卿大夫采在六百里內男小國七百里

內侯大夫采在六百里內男小國七百里

皆侯也以大庇小故在綏服之內以揆文教以奮武

外懼大陵小故在內

衛此外諸侯綏之而已千三百里之內使揆文以教

千五百內使奮武以衛武衛如今邊地右軍武畧

文要服之內夷蔡屬焉荒服之內蠻流屬焉示其遠

為之紀蠻夷三百里流蔡二百里此之里川長短與

畿內侯甸殊夷蔡在要服蠻流在荒服夷性

近人蠻遠人也古者流蔡以王圻定遠近今以視數

逐處論異矣流共工蔡蔡叔此五宅三居之二

歲之豐約酌以為常上下足以相輔然後禮成而教

行取之有制而其所以垂法也九州攸同九壤咸宅

四海會同六府孔修庶士交正致重財賦咸則三壤

成賦中邦九州二千四百三十萬八千二十四頃定

五百萬有冀流廣而河濟盛水既退而民作多故作

十有三載而後同十三載止為兗二州舊說天下

成穎達更以為併禹縣之九年舜攝元年九州始畢

繆也按洪範縣殛死禹乃興縣喪三年禹乃娶

今云禹治三年八州平故堯以為功而禪舜是十二

年八州平十三年而兗州平在舜受終之年穎達因

之誤矣高唐隆云治決水前後二十二載以縣之至

禹言之也然水未平豈得行巡狩哉八年之外特記

過門不入乃命豎亥步經大章行緯暢于八極方以

為國十國而有長長有師五長而一師師五十國州

十有二師州有牧牧稟命于上京州十二師百二十

本似非此然冒說來及酌之亦或可行孔氏謂州十

二師為三萬人非也豈州等三萬庸哉此不過所謂

承以大夫師長者商周之連帥邠成五服至于五千

卒正也薛氏以為兵制或然外迫四海咸建五

兵民之法皆自此始故有比卦漢長小比大界承尊故人趨事而赴功小大之國內外

八月按比是也伏生以入聲讀爾之侯三正之所用者蓋七千矣綏服內三千里九州

百國十二州為七千二百國詩箋謂禹弼成五服方

七百七十得齒千百五十五萬四千三千九百男耕

女織不奪其時釐改制量象物天地比類百則義之

民而度之羣生故天亡伏陰地亡散陽水亡沈氣火

亡災燁神亡間行時亡逆數民亡濫心物亡害生率

帝之功而度之儀軌近遠通其明以佑不逮東漸于

海西被于流沙北逾碣石南越衡山咸暨聲教汜于

四海浸而入之者漸加而覆之者被暨言及之遠汜

盡矣聲教及之而已治水定力堯舜世事禹錫玄圭

告厥成功夏后氏尚黑職繇此始玄者水之德圭者

之時從禹于外堯以是假之俾之便宜馭眾而不繇

成錫如納錫錫帝之錫而記皆以為封之高密以處

于櫟是為有夏曰夏伯密今密之高密禹之初封故

云禹之封國櫟今之許昌陽翟漢屬潁川唐隸河南

有禹山禹故城及鄭之櫟邑昔武王至周曰吾其為

此地志云陽翟夏禹國或云都之非也故汲古文云

聞不居陽翟寰宇記鄧州引漢志潁川南陽本夏禹

國周為申國按志潁川陽翟夏禹國南陽故苑今南

陽為申錯陽翟言之兩誤王充云堯以唐侯嗣位舜

以虞地得達禹繇夏而起湯自商而興皆本與昌之

地為號重本不忘始也或云封在虹虹今宿之縣與

地志云堯封夏禹為伯邑于此即位徙都陽於翟漢

為夏丘縣北齊為夏丘郡世初縣以崇伯事帝連山

記又以高密為禹字益繆易云

縣封於崇故國語言崇伯今在鄂東熙寧五年議

廟事王安石以為禹非因縣受封故楊雄云禹以舜

作土謂前代固有不待有國王天下者禹是也上曰

縣治水或有封不可知安石曰据書傳封於有夏曰

各史

有夏曰有姒者禹也無豫於縣妄矣帝為洛水之患訪於四岳求能治

之者四岳稱縣帝曰方命圯族岳曰舉哉試之不可

乃已乃以命縣縣蒞之于歸臧得其大明曰不吉有

初亡後縣障水汨陳其五行水不閏下上帝震怒不

畀洪範九疇彝倫攸斁縣障水故有縣隄在相之安陽縣築以捍孟門今謂三兩

城又歷高東三十五又清河西三十自宗城界來而

澶之臨河西十五縣隄自黎陽界入堯命縣治水築

之以障故無功又澶瀆清軍城東南五十有堯隄過

飛派界古長城即堯遭洪水命縣築之者經云洪水

滔天縣竊帝之息壤以闢洪水帝令祝融殺之羽淵

淮南之說本此息壤生息之壤也有息壤說見餘論

逮帝授歷縣則殛死禹乃嗣與從而道之百川順流

天乃錫以洪範九疇彝倫攸敘所謂洛書者也九疇即臯

陶所陳者言縣逆之所以凶禹順之所以吉帝怒不畀如云天誘其衷若鬼神予奪之者閏下者水之性

而縣聖之以拂其性此五行所以亂彝倫所以敗禹能修之得其性故五行攸敘自漢儒泥河圖洛書之說以天錫禹者其文自洛出禹因次之自初一日六

十五字皆龜背所負者或云三十八字或云二十七字怪哉氏出於理之自然非人力私智所致者古

人必重而歸之天洪範概發明彝倫敘非錄數起帝

崩舜為天子命為司徒代典百揆內輔虞位外行九

伯百揆衆職之尊禹以功德盛極岳薦乃授雖未禪而意已見蘇軾以為司空之異名蓋以左氏使主

后土揆百事與四岳薦語誤之不知熙帝載非司空之事而周官水土乃司徒職且禹為司空在舜攝初

至是已六十載岳薦之語殆今如制首敘功勤爾三或以為若魏晉之相國有禪之漸則除者無是

十有三載帝以教期券劇

時帝年九十

受命以位

堯將

用舜以試之娶二女矣又歷試諸難舜曰汝惟弗倦

禪禹不加試者六府三事之治已効也

總朕師遜于伯益臯陶不可則拜稽首固辭重弗獲

命正月朔旦受命于神宗堯授舜告于祖舜授禹告于宗一云神宗堯也率

百工如帝之朔如虞故事璿璣齊七政類帝禋宗巡狩之類皆行之帝告禹曰

予告汝九術五勝之常可以克之汝能從之師徒其

與見河圖乃治六師以征不序始歲三驅以東車徒

三載有苗弗共奉辭誓伐三旬而苗逆命益贊于禹

乃班師而苗格詳虞紀及帝鴻紀禹治水汜四海各迪有功苗獨頑不肯即功故禹勸帝

念哉欲帝念其事備伐之三旬逆命乃優贊帝修德

班師於此見禹於兵弛張之道一月已久何八月而

師還哉隨巢子云昔三苗大亂天命禹於玄宮有神

大面鳥身降而輔之司祿益食而人不饑司金益富

而國家實司命益年而民不夭四方歸禹乃克三苗

而神人不違墨子云三苗大亂天命殛之雨血三朝

龍生于廣犬哭于市金匱言三苗之時三月不見日

論衡言三苗之亡五穀變種鬼哭于郊紀年墨子言

龍生廣夏水雨血地圻及於是四海之內咸戴帝

日夜出晝不見皆異說也

舜禹駢三聖乃興九招命臯陶為夏龠足鼓龍篥簋

八佾六列皮弁素積九成而功昭曰大夏使四海之內咸戴帝

舜之功於是禹興九韶之樂致異物鳳凰來翔故孔融傳言禹興九韶之樂致異物淮南子云禹樂夏籥九成六佾六列六英九成九變也明堂位云皮弁素積禘而舞大夏祭統云八佾以舞大夏天子之文舞也內則傳云在干戈既文武俱備春秋元命苞云禹之時民大樂其駢三聖相繼故名大夏大司樂注謂德能大中十有五載帝將陶真冷禹曰戒之哉形莫國非也若緣德莫若率緣則不離率則不勞不離不勞則不求文以待形不求文以待形固不待物欽哉慎乃有

位敬脩其可願四海困窮天祿永終惟口出好興戎

朕言不再冷曉也言用此真教命大禹也夫堯命舜不戒而舜命禹丁寧戒之如此恐其矜功

矣帝崩禹卽真越春秋云堯崩禹服三年氣不屬聲舜崩又服三年朝夕旒位形體枯槁

蓋因孟氏之妄王以金成都陽城瓚云世本禹都陽城在大梁之南今陳畱俊儀故寰

宇記登封古郟城引地理志潁川陽城為禹都非也乃澤之陽城堯舜皆都河東北不居河南故說者又

謂禹避商均於此皆非夫堯不聽舜讓受終二十八載舜不聽禹辭受命已十七年曆數已決豈復方為

區區匹夫之遜避哉此孟氏之罔太原卽晉陽漢志自平陽遷安邑後

徙晉陽通典并州太原禹所都注云禹都或為今太原或為今平陽或為河東安邑或云今河南陽翟不

也安邑世紀云或居安邑今陝之夏縣魏太和元析安邑置以禹都名北十五有夏宮夏故城夏

禹臺十道志云縣有夏禹宮夏靜與洛下書云安邑禹舊宮有石殿陰戶丹庭紫房俗名驪姬故房臺在

縣西北十五十三州志云塗山氏思本國築以望之基猶在夏城南安邑塗山臺俗謂青臺上有禹祠縣

東南五十五中條山有望川夏后避夏離宮之所地形志河北有北安邑縣漢晉屬河東又有南安邑

注太和十一年置元和志今安邑地太和十一年別置十八年為夏縣寰宇記置肫誤革正朔奠

服色以日至六十日為正色尚黑樂稽躍嘉及元命苞云夏以十三月

為正息卦受泰注云物之始其色黑以寅為朔商以十一月周以十二月所謂三統淮南云服尚青非

其祀戶祭先心社用松牲用黝大事歛用昏戎事乘

雜驪雜馬黑鬣尚明水而旂綏明堂位有虞氏之旂夏后氏之綏注為綏夏當言旂

山壘揭豆瓊竿四璉以施之宗廟孔云夏四璉殷六瑚山壘夏后之尊

也哀十一年胡篋注夏曰胡商曰篋虞祭尚陶夏尚匠蓋虞以陶得人心故尚之周禮云夏后氏尚匠所

謂反其所自生虞氏尚陶泰尊以瓦則山壘亦瓦矣玄堂世室九階三階厥用

亡文

玄堂夏之明堂夏尚黑也由周尚赤而曰明堂說苑墨子曰古之無用文者禹是也土階三等

衣裳細布當此之時黼黻無所用也黃圖義云明堂夏后益之為世室堂之大百四十有四尺坤之策屋

圓徑三百一十六尺乾之策九階者周禮注南三東西北各二賈馬等以為九等非也禮傳周堂九尺商

三尺夏一尺相三數也衣裳細布牟追玄冕記母追佑云禹卑宮室為一尺

之道白虎通追大也其體最大輿服志夏母追長七寸高四寸廣五寸後廣二寸制如覆栝前高廣後界

銳商章甫即牟追今之委貌委以綉言追以笄術言周禮言追笄術是矣其制相比漆布為殼緇縱其上

前廣四寸高五寸後高二寸五經通義云夏冕黑白赤組旒獨斷云明帝采尚書臯陶及周禮以定冕皆

廣七寸長尺二寸綬白玉珠其端凡十二旒郊特牲言商皞夏收故夏收而祭毛詩許字從羽三王共皮

弁素積為弁不易也白虎通云收而達故前思大者在後時物亦前忽也然堯黃收夏后因之爾雅云收

言收歛髮純黑前小後大商衮龍而山敦環濟要畧因曰皞黑而微白前大後小

山敦取其仁也立尸而卒祭有事則坐祭以其闇明日而復祚復祚

釋祭商曰融蓋貴爵而尚齒七十者皆引年養國老於東序養庶

老於西序燕衣而以饗禮以教民之孝弟卒食燕衣玄端玄端

注黑襲堯爵行堯道修五等以賞諸侯舜之禪集五瑞禹政錄舊

列爵為五自唐至周五等一也鄭釋王制謂商因夏三等無子男公羊謂春變周從商合伯男皆曰子安

也追髡父國語禹云豈伊多寵也云二禘黃帝而封丹朱唐商均之子於虞作賓王家天子弗臣謂不以臣禮責君臣之義

固定故云作賓者異於諸臣矣立三公九卿百二十而議者或異亦間於大義哉

官三公此在九卿外佑云三公以下百二十此夏時也記云官倍則宜二百四十不然者唐虞清要三

代不變其餘三妃九嬪以為內治春秋說天子娶十稱事為之爾

三歲而攷績五歲而定政惡旨酒好善言好予而不

取好緣而惡駟亦上信而賤文必度其正為政先祿

而後威先賞而後罰故能敬德百稽天若召誥言而

順承安繼治任賢使能充云禹引失承安繼治任賢使能共已無為而天下治

繕賞不罰而民不負言慎子云有虞氏不賞不罰夏后賞而不罰商罰而不賞周

賞且亡廢功亡蔽財自砥勛如淮南王術愉易平靜以待

之使夫自得之因然而然之使夫自寧之不求葡不

大望於民是故寡怨於民民未厭其親通乎已之

不足而不與南子云禹治天下朝廷之間可以羅雀

剗精神明目民鍾顛俊尊帝以故

黑風會紀而明明在朝詩合神霧云夏禹之興黑風會紀注黑力墨風風后皆黃

帝臣禹伯禹當其至也按玄經亦有禹風風力之世云又得咎陶在子業既

子黥季甯然身以

治天下迪知恂于九德之行故民承寬厚而亡懷薄

立三年而百姓以仁遂焉戴勤求賢士以及方外

見耕者五偶而式之所過之邑必下見山仰之見谷

俯之以葡道秉德之士存焉董適于郊芴焉遇其

縛于路謬降拊而溢之左右曰彼則不刑於王何痛

焉曰天下有道民不離幸天下亡道罪及善人堯舜

之民以堯舜為心朕為民辟百姓各以其心是用矜

之吳越春秋云計於蒼梧而見縛人陳蕃傳云禹巡

故其興也勃然注見說苑淳化四年閏十月上謂

輔臣曰孟昶於刑獄優游不斷以為夏禹泣辜竊効

之不明古聖之旨朕深味其理蓋大禹止能行王道

自悲不及堯舜致人死法所以下車而哭之今犯罪

之人情理難恕朕固不立諫幡陣建鼓太公金匱云

容可謂異世而同仁矣慄如不滿日乃立建鼓管子云舜有告善之旌而主

不蔽禹立建鼓於朝而備辭訟何敞傳云禹致敢諫

之幡故光武詔云舜居人上兢兢如履薄冰禹居人

上慄慄如不滿日敬勝怠則吉義勝欲則昌日謹一

日壽終無殃也不矜不伐不自滿假投一饋而七起一沐而

三捉髮曰予惟四海之士須于門而四方之民弗至

也諸侯朝覲而親報之士月見而躬接之曰諸侯能

亡以予為驕乎諸大夫能亡以予為汰乎且昏其驕

若汰而不予穀是逢君之惡而教寡人之殘也是以

天下大治諸侯萬人而一知其體則能以愿為之也

故未施敬於民而民敬之賈誼新書云禹猶大恐諸

日士見則問於士云云敬者禮之本禮者忠信之薄

老氏言道其中有信有虞時大道未隱故未施信而

民信之夏后時道隱而未喪故未施敬而命伯封叔

及昭明作衍曆歲紀甲寅鈴天行施敬授人時人事

是重故建首寅而後冬夏正春斤不升山夏罟不趣

淵以宛生長而專民力乃布令曰九月除道十月成

之功故生不失宜而物不失性人不失事天得時而

萬財成焉昔孔子觀夏道得其四時之書者是矣曆象

堯舜之法三代以來未始可廢而書不著者法已成於堯舜後王守而用之故不之復錄大聚云禹之禁

春三月月山林不登斧斤以成草木之長夏三月月川澤不入網罟以成魚鼈之長云云禮云夏不田以生長

之時也鄭謂夏禹以仁讓得天下謂土少則民失業觸其夏名故不田此連斗樞之文

土多則內亡守於是有不稱之災故其箴曰中不容

利民乃外次又曰小人亡兼年之食遇天饑妻子非

其有也大夫亡兼年之食遇天饑臣妾與馬非其有

也國亡兼年之食遇天饑百姓非其有也故諸橫生

盡以養從生盡以養一人不煞胎不夭奧不隳時十

年而王道固乃立祈祥以固山澤立器械以使四國

破增藪楚沛澤以立三幣而操其重策以守國穀存

菹丘立駢守以為民饒以人御人逃戈刃而高仁義

乘天固以安已而民心一政德既成而聽于人矇誦

於朝史箴于位官獻使勿兜采臚言于市攷百事于

廷耆艾脩之以聞其缺而斟酌之行善而備敗是以

事行而不悖天下復璞文中子舜禹繼軌而天下有君

民之大德有事君之小心禮記是以神勞五岳形瘦九

州而不以為苦攝位行政攷之於天是以克勤于家

克儉于邦而盡敬于神故孔子曰禹吾亡間然矣菲

飲食而致孝鬼神惡衣服致美黻冕畀宮室而垂意

溝洫禹吾亡間然矣

諸侯王表云舜禹受禪積德纍仁功洽于百姓攝位行政攻之

于天下數十越在先時闕伯火正寔事唐虞及是更

以相土居之商虛入為王官出長諸侯有勤于民以

食於味

裏云相土就契封商安

命任奚為車正

文子堯以奚仲為工師淮南子

堯治天下以后稷為大匠任奚為工

子吉光暨相土佐之異物以時五

財皆良乃初鉤車

記云鉤車夏后氏之路作勾輅同今戎車也商曰寅車周曰元戎元

良也儒者因謂曲輿傳玄子云夏后輦曰胡奴周曰輜車

典云夏末代制輦人所輦晉志商曰胡奴周曰輜車

建綏旃

明堂位夏后之綏綏最長

亦曰旄又云有虞之綏夏后氏之綏練禮弓亦云綏設旄夏記此旄謂之綏也曲禮武車綏旌注綏無旌

所謂大麾周禮王建斗尾於衽首大麾以田者也

相土始乘肇用六馬於是

登降有數

五子歌言六馬天子用六文矣記言禹駕四安

乃封奚仲於薛

徐

之薛城南二十五有奚公山奚仲冢楊曄徐州記云仲造車處

謂政衰於唐虞而民

翽于昔始政肉刑

梁武祠堂畫贊云夏禹退為肉刑應氏云三皇結繩五帝畫像

三王肉刑非也肉刑畫尤之法穆王曰苗民作五虐之刑爰始淫為劓刑採黥亦未原其始也嗟夫肉刑

政之本也後世以為不忍而去之者誠不仁矣君子曰小仁者大仁之賊也以肉刑為當除是亦志於仁

而未知仁之術也故荀卿班固曹操鍾繇陸紀葛亮曹彥之徒皆欲復之而祖訥以漢文為非聖誠有見

矣彼孔融王朗之論亦已淺矣論見國名記

謀而用不訓德則乃宅人乃

三宅亡義之民

大罪宥之四裔次九州外次中國之外

罪疑從輕死者

千鑿中罪五百下鑿二百罰有罪而民不輕罰輕而

貧者不致於散故不殺不刑罰弗及疆而天下治大傳

甫刑傳云禹之君民也罰弗及強而天下治一鏹六兩鄭云所出金鐵也死罪出三百七十五斤用財少

爾命孟涂為理刑正訟從以為神主經云夏后啓之臣孟涂是司神

于巴巴人訟于孟余之所其衣有血者執之是謂主乃備祭用簠簋巹俎雞彝

龍勺賀云直有脚曰椀脚中央橫木曰巹有虞上質未有際飾始有四足夏漸文橫木為距於足中

也彫勒粉澤流髹其上蔣席枻鞞頗緣觴酌有采籩

豆有踐而當時之不內者三十有三國韓子云禹作食器墨染其

外朱畫其內纓帛為裊蔣席頗緣綠觴酌有采尊俎有飾康成云赤多黑少為髹韋云刷漆為髹墨子云禹造粉繆也唐虞

為喪法曰死于陵者葬於陵死於澤

者葬于澤桐棺三寸制喪三日亡得而逾見尸子淮南子云

之時天下大水死陵者葬澤者葬澤節財薄葬簡服生焉又云以洪水之患陂塘之事故朝死而墓葬所以順

祝餘鬻飯以生事親祝徹鬻餘飯

九具作葦茭通典夏后氏金行初作葦茭言氣所交也商人水德以螺首謹閉塞也周木德

以挑為梗風俗通傳葦葦有叢呂春秋言湯被伊尹以葦葦欲子孫蕃不失類也

而牆置翬

綢練設旒立凶門用明器有金革則殯而致事而人

於死者益以致王肅要記云魯哀公葬其父孔子問曰設表門乎公曰夫表門起於禹禹

治洪水故表其門以紀其功吾父無功何用焉孔琳之議曰凶門柏裝不起自未代宜罷故禮論云改葬

立凶門不蔡謨曰改葬若停喪有凶門是惟喪事用之故韋宏與蔡謨問父在母喪及與父別止立凶

門不曰禮命士以上父子異宮故卑私之喪皆別凶門范堅荅問謂凶門薄帳不出禮文有懸重於庭以

席覆之形似於此後命扶登氏為承夏之樂哥九敘世於門外表喪繇是

以樂其成是謂九夏

六府三事所謂九功九德也鍾師以

鍾鼓奏九夏即大夏也大宗伯奏九德之歌九韶之

舞瞽師掌九德之哥以娛太師故左氏曰九功之德

皆可歌也謂之九歌猶言舜之韶謂之九韶爾

設五

器于庭 而詔于箎曰有以道憲我者聲鼓以義

告我者鳴鍾以事詔者振鐸以憂聞者發聲以獄復

者揮鞞政天下於五聲後世寶用至於追蠡

以五聲聽治門懸鍾鼓聲鐸而置鞞以得四海之士

為銘於箎箎云云選策秀才文注者此也淮南汎論

注五聲宮商 作棧鍾於會稽以定奏

之屬妄矣 定奏晉世刻縣民於田得鐘長七寸口徑

四寸銘曰棧案小爾雅鐘之小者棧音盞 遠方圖物

貢金九牧鑄九鼎於紫金條荆之山

當言之人得藉口舊云九鼎者所謂九州鼎實則一

遺記 鼎又別有九鼎圖九州之方物恰

使人知神姦入川澤而不逢不若魑罔闐莫能逢之

鼎成而太白見者九日

自藏不遷自行日移五步自郊廓來日東南移今不

知所孫暢之述書云道人商行傳云今在剡賓神怪

之說然今深山大澤往往有之晉陽秋咸康回穀城

世必有酒亡國者遂疏儀翟

戰國策云魯君語梁王昔帝女令儀狄作酒而

美進之禹飲甘之疎儀狄絕旨酒或云初作酒非虞酒養老而岐雷有醪醴黃帝內傳王母之酒而神農

為醴酪其來尚矣本草夏禹仙經取菖蒲玄酒封百

日綠葉色投黍米十四日出飲之去三十六種風不

自後於是舉咎陶而薦之將畀之政辭乃封之六其

仲子克世使襲六奉其祀 文王之使編云編之太祖疇為禹占得臯陶繇比於

此見宅立一十有五歲七表承風化制殊類青縈九

陽奇怪之所際莫不內拱八風循通而百穀用成木

瑞圖云飛菟日行三萬里禹

榮冬敷天雨稻蜚菟應 而至於馱蹄者后土之獸自能語言王 駒駮出 即馱蹄

者仁孝於民則出禹治水有功而來 靈龜穴庭 宋書志玄龜者

瑞應 方澤出馬 隨巢子禹 靈龜穴庭 天符也德至淵

泉洛出 玄龍銜雲 孔演圖云天命之見候期門靈龜

龜書 庭者星入太微 也銜雲者

巍巍乎舜禹之有天下也而不與焉

十年紀年禹立 於是大宣教化 云省方宣

四十五年宜贅四字 歸元勳祠上帝 教化制殊類玄云

五年一巡狩夏后因之 乃大計治道外美州靡息慎之功

載一巡狩夏后因之 內演龍德以當天心撰玄要集天書 道學傳云夏禹

河圖云禹治水功大天帝以贅文大字賜禹佩免北

海溺水之難故方朔十洲記云禹治洪畢乘蹻度弱

東至鍾山祠上帝 於北阿歸功九天

集天官之寶書以南和縉封以金英涇檢以元都印

原禹之先得玄女之法標其二五九迹之術承舜命

鑿龍門開九江遇巨石則施之一鳴其術石立銷金呼禹步修神仙之術開鑿洞天盡立五岳名山形壘

靈寶以藏南浮之洞即宛委衡山也詳于福地記禹功記云渡江河者以朱書禹字

佩之免風遂致羣神于鍾山即會稽前山一曰棟山越絕書云棟猶鎮也中

濤保安吉茅傳云禹詣鍾山行九真此也亦曰茅山晉灼言會稽茅山是矣故越絕書越春秋皆言禹登茅山朝郡

臣乃更名曰會稽即苗山矣今會稽有禹村禹虛然

九江當塗界當塗故城云禹會處故塗山亦有會稽

之名宋之問云朝玉泉今何地聲存而以觀其用執

處亡杜預以為會在壽春之塗妄矣

玉帛且萬數執玉諸侯卑者卜國之君禹之初進而受命者七千國左云萬國者號數爾齊

王鐸云大禹之時諸侯萬國非安石防風氏後至戮

之以徇於諸侯伐屈驚攻曹魏而萬國定舜之初正分三苗禹初治水誅相繇至是數十年戮一防風天下可大治蓋始之形以立我之綱後之誅以立後世

之紀後代聖王初來南塗山之女作歌以候其伯姬

不可不知也

曰候人兮倚而南言自此始至周之君臣取風焉寔

為周南召南正始之道王化之基也南樂名胥鼓南以雅以南若象

箭南籥是也豈得謂之風有樂有舞故曰人而不為

周南召南其猶正牆面而立也未至於舞大夏知不

特誦其詩而已周南天子之事故繫之周周王室也

召南諸侯之事故繫之召召諸侯之伯也豈周公召

公哉周自太王爰及姜女王季太任思媚周姜太姒

嗣徽音世著賢妃之助文王刑于寡妻以御于家邦故

詩以后妃夫人之德為二自塗山南省南南今之江陵秦昭襄

南郡周書云南國名是也非南方

舟濟于江黃龍

負舟人甚恐帝清儀亡易龍顧弭鱗而逝事見呂春秋淮南子

水經地記等誠有茲乃巡大越見耆老納詩書審銓

衡平斗斛立典則以貽子孫

見越絕書禹救水至大越上茅山大會計及其

王乃狩大越云云所謂關石和鈞者

焚戈甲而夷人附

崔融四鎮議神農修德而風沙

至夏禹焚戈甲而夷人附舜舞于戚而苗民舉

追思覆黼之書於是復會諸

侯於江南

蓋九江浙江今所在古迹如抗之餘抗即秦故謙之之吳興記始皇二十七年上會稽塗山此因立縣抗即航也史記亦明圖經不之知

然郡國志以為夏禹東去舍舟航登陸於此蓋乘海舍航皆在是董道不知以為

作刀劍

刀劍錄云高密在位十年以庚

戊八月鑄一劍藏之秦望山腹上

伐靡山而邑之

塗山

之會禹志也非常之會傳謂禹望九山之南苑宛中者則意在此久矣故特為是會

尋崩因葬

之

只即會稽山詳予福地說天問何勤子屠母而死分竟地補注云拆副而產有之死分竟地未必然

竟地猶言竟天令段成

絞衾聖周葛以繡之其坎深

不邸水上不通臭收壤為墳廣終畝木不改列畚不

易畝若

壟焉

世紀云衣衾三領桐棺三寸墨子云桐棺三寸絞衾三通其言

大率神美黻冕故莊周曰禹堙洪水親操囊耜而九雜天下之川股無版脛無毛沐甚雨櫛疾風置萬國禹大

聖也而形勞天下如此後世墨者多以裘褐為衣履屬為服日夜不休以自為極曰

年百有六寔祀于社

淮南子禹勞天下而死為社漢興立官社復立官稷以禹配社以稷配稷

亦謂白帝

王符五德

云少昊其後白帝見流星意感生白帝文命

后趨生啓及均塗山於是獨

明教訓而致其化乃立庶子之官嗟乎天下之命懸

太子若塗山可謂知所本矣

趨世本世紀廣雍列女傳皆作嬌帝係作文嬌

屬本紀云禹母坼疆生禹後於塗山娶妻生子名啓於塗山有禹廟亦為其母立廟寰宇記塗山在渝州

巴縣東南八里泯江南岸華陽國志以娶塗山為江州塗山皆非

后趨死葬陽城

游

錄三門禹廟神儀侍衛極嚴肅後殿為一胡人禮冠夷服侍衛皆胡人云禹婦翁俗有此

均生固

固生伎來伎來生循輪是殺綽大帝念之

大荒經固作國伎或

作其裔居兜牟山北人號突厥寶

匈奴別種代居金城狀如兜

整谷呼突厥因號之先狼種也故施金狼頭於纛衛上曰附離夏言狼也

歷魏晉十代而

屬蠕蠕是為阿史那德那最為長宇文末滅蠕蠕百

餘年暨處羅蘇尼先始歸北號阿史那至開元為史

氏帝之支子或封于辛辛甲事紂七十五諫不從文

王以為史封之長子

見劉向別錄

昭王南征辛繇靡為御

右拯王而俱溺封其子西翟有辛氏計氏司空氏宇

文氏

周賜辛弁

普屯氏

魏賜辛威隨皆復

崇後滅于周文王

有崇危虎

崇危

帝崩而啓立

贊 相彼夏后天地功深纂修前緒載惜分陰斬高

喬下纚風沐雨身解揚 為百神主克勤克儉菲食

惡衣奏黻艱鮮手足胼胝握髮投饋為綱為紀河洛

興思明德遠矣

夏后紀

路史後紀卷第十二 終

天下公器不可得而私也主之必有道而處之也
必有義主之不以其道則亂處之不合於義則爭
是故君天下爲甚易而授天下爲甚難丹朱商均
不足以託天下而舜禹者可以託天下于從而授
之時無舜禹之有可傳而啓可傳則從而授之啓
是聖人之意矣戰國之士不知乎此乃謂禹不勝
其私而傳子知啓之不足以任天下而私意勝陽
以天下授益而盡以啓人爲吏禹崩啓連黨而攻
益取之

此鹿毛壽等爲蘇代設辭以喻子噲使
異之子之者韓子外傳亦有此潘說故

子車曰禹崩益避啓于箕陰而益佐帝之日淺澤未洽於天下天下之人不歸益而歸啓矣益暨禹同事唐虞而同功于水佐帝之日不爲淺矣功施於人者不爲不久矣且啓之德固無以尚於益而謂天下不歸益而歸啓其然乎

符子云禹遜天下於奇子奇子曰君之佐舜勞矣鑿山川通河濟首無髮股無毛故舜也以勞報子我生而逸不能爲子之勞矣乃從去之而墨子云禹舉益於陰方之中授之以政而九州成夫益雖壽年亦有禹死矣無從避啓辨見發揮

六經之存聖人固不以纖芥疑後世也堯授終舜授命一于文祖一于神宗而禹之末無是舉也堯曰汝陟帝舜曰汝陟后而益之初無是語也禹

之傳蓋天下之不復昔也

王充問孔云書言無若丹朱傲惟慢游是好此

帝舜勅禹無與不肖子也舜重天命恐禹私其子故引丹朱以刺戒之禹曰子娶若時辛壬癸甲啓呱呱而泣子弟子此陳已行之事以推來見已之不私不肖子也夫若是則舜逆禹之將傳子故諗之而禹之卒傳子也有是哉

始堯爲世使民心親

民有爲其親殺其殺而民不非也舜之爲世使民心競故子生三月而言不至于孩而時誰而人始天也及禹治天下使人心變人有心而兵有順殺盜非殺而人自爲釋矣蓋三聖之季功美漸去而其世且然尔禹初嘗以天下異于奇子伯益奇子伯益辭焉而死矣啓可傳而傳之顧可以私召亂

名啓爭哉子不可傳乃蔽於親愛之私而必傳子
可傳或貪於異禪之名而不傳均非天下之公行
也方帝之授禹也栢成子臯擿語禹曰堯舜之治
天下舉天下傳它人至無欲也擇賢而與之其位
至公也以至公至無欲之行示天下是以不賞而
勸不罰而畏今君賞罰而民欲且多百姓知之德
自此衰貪爭之端自此始矣然則啓之傳禹顧任
其私哉承百代之流而會其變不得而不然也子
可傳而傳不失於公人不可傳而必傳不免於私
聖人者知不可傳而已又何計夫私若公哉後
有天下未之思尔子孫雖不肖猶以必傳爲也
且人心天命旣已俱去而且展轉喘息而不肯瞑
苟不以禍敗奪則不止顧不謂大哀乎孔子曰巍
巍乎舜禹之有天下而不與焉匹夫而有天下真
可謂大異事矣然以道觀之舜自舜禹自禹天下
自天下果何與天予賢則予賢天子子則予子吾
固因天而已予賢予子子車顧知之矣避啓之言
殆爲辨士設也

品

後系卷十二

三十三



